

Xcarta San Pablo Huantu Pulh Catzóknilh Corintios

San Pablo catzóknilh uumá carta amakolh cristianos huanti xtahuilánalh nac xacächiquín Corinto cumu xlacán na xtalipahuán Cristo, huá calitzoknúnilh porque luu akatiyuj xtalilamánalh xtalacapastacnicán cumu catihuá huanti xcalimakalchuhuinij atúnuj talacapastacni huantu ni luu xtalulóktat Dios. Y cumu chuná xlacán akatiyuj xtahuilánalh luu lhuhua taaklhúhuit xcalakchima nac xlatamatcán amakolh cristianos huanti xtalipahuán Cristo; xtatapajpitzimánalh pulaclhuhua xtataxtumánalh porque tunuj túnu xtalacapastacnán. Na xcamaqstítumiputún nac xlatamatcán porque makapitzín xlacán huanti xtatlahuamánalh lhuhua huantu laclixcájnit talakalhín huantu ni tzinú cámiminij tatlahuay huanti talipahuán Cristo. Hasta makapitzín xlacán chunatiyá xtalaktzaksay laṭa xapulh xtalakachixcuhuij tzincun ni xtamakxtekayamánalh xtasmanincán, xahuachí luu xtalitaaklhuhuij xliskalala xahua xlitlihueke huantu Espíritu Santo catihuá xcalimatlahuij, ni xtaakataksa pi umá liskalala y litlihueke huá calimaxquicanit laquij natalajimaktayay. Nächuná acxní putum xtatamacxtumi y xlacata macxtum natahuayán laquij natalakachixcuhuij Dios, lhuhua huanti cāta caj xtakamanantaxtuy y makapitzín litum

akatiyuj xtalay ní luu xtacanajlay para xlícaná o ní xlícaná talacastacuanán nín nac calinín. San Pablo pulacatunu pulacatunu tzúculh cámakstítumíniy huántu akatiyuj xtalilamánalh laqüi nacámakataksniy huántu luu xtalulóktat. Xlihuak huánti cacatzínih pí nitlán huántu xtatlahuamánalh xlá calacaquílhñih, pero calimakalhchuhuýnh cristianos pí acxtum catalapáxquih cumu la linatalán, porque San Pablo límacán tapaxquit luu xlacasquinca namákantaxtiyáhu, xtachuná cumu la lipahuanáhu Dios y kalhkalhimanáhu huántu xlá malacnunít naquincamaxquiyán nac akapún.

¹ Aquit Pablo huánti Dios lacsacnít naclitaxtuy xapóstol Jesucristo. Aquit xahua Sóstenes ² ccatzoknímán eé carta laqüi naccámála kachaníyán xlihuák huixinín huánti hui látit nac xacachiquín Corinto huánti xcamanán Dios litaxtunitátit porque xlá calacsacnítán xlacata nalipahuanátit Cristo Jesús y namacamáxquiyátit milatamatcán laqüi xmanhuá natamacuaniy, y ná clacasquín pi cacamaktáyalh eé quintachuhuín xlihuák amákolh natalán huánti tahuilánalh nac alacatúnij cachiquínín huánti ná ankaliná taquilhchaniy Quimpuchinacán Jesucristo porque ná huá Xpuchinacán. ³ Clacasquín pi Quintlaticán Dios chu Quimpuchinacán Jesucristo ankaliná cacásiculanatlahuán y cacamáxquín tlán latámat.

Pablo paxcatcatziniy Dios caj xpalacata huántu tlahanit nac xlatámat

⁴ Aquit ankalhiná cpaxcatcatziniy Dios caj huántu milacatacán porque luu lhuhua huántu xlá calisiculanatlahuánitán caj xpamacata Cristo Jesús. ⁵ Caj cumu lipahuanátit Jesús Dios camáxquinitán lhuhua liskalala laqui lihuana naakataksátit huántu xtapaxuhuán y laqui tancs nalichuhuínanátit xtalacapastacni. ⁶ Xlihuák huántu malacnuy Cristo namakantaxtiy nac milatamatcán huanti talipahuán, xlicana pi chuná quitaxtuy y tlán huixinín limálulokátit milatamatcán porque huakatá makamaklhitinanitátit huántu malacnuy. ⁷ Xlihuák huántu huixinín maclacasquinátit Dios aya camáxquinitán laqui akstítum nalatapayátit lihuán kalhkalhitahuilayátit amá quilhtamacú acxní namimparay xlimaktiy Quimpuchinacán Jesús. ⁸ Quintlaticán Dios ankalhiná nacamaktayayán laqui nitu nalitamokostayayátit huántu nitlán, y laqui akstítum nalatapayátit y ni chatum tícu caticalimamaxanín para túcu acxní namimparay Quimpuchinacán Jesucristo. ⁹ Xlicana pi luu calipahuántit porque huántu Dios malacnuy huák makantaxtiy, pus huá chú Quintlaticán Dios luu man calacsacnitán laqui huá natapeksiniyátit y acxtum natalatapayátit canecxnicahuá quilhtamacú.

Pablo huan pi ni catatapajpítzh huanti talipahuán Jesús

¹⁰ Natalán, nac xtacuhuiní Quimpuchinacán Jesucristo aquit ccalimáakatzankeyán xlacata pi aktumá talacapastacni cakalhítit y ni caj cata-pajpitzítit huata acxtum calapaxquítit calalaka-

lhamántit cumu la t̄i xlīcāna acxtum tatapeksiy.
11 Huá chuná ccalihuaniyán porque makapitzín xlitalakapasni Cloé quintaliták alhchuhuinanit pi ni xmakásni lāmakasitzitahuilayátit nac milakstipancán. **12** Porque quihuanicán pi makapitzín huantí huixinín cātātamacxtupiyátit kalhtum tamaluloka acxní tahuán: “Aquit huá ctapeksiniy Pablo”; makapitzín tahuamparay: “Huá aquit ctapeksiniy Apolos”; makapitzín tahuamparay: “Aquit huá ctapeksiniy Pedro”; y tahuilanampá chú t̄i tahuán: “Aquit huá ctapeksiniy Cristo.” **13** Bueno, ¿pi chalhuhua Cristo laqui nahuanáhu pi chalhuhua huantí naquincamaakaputaxtiyán? ¿Osuchí quimpekextokohuacácalh aquit nac cruz laqui nacxokonún xpamacata mintalákalhincán? Osuchí acxní taakmunútít, ¿pi nac quintacuhuiní taakmununitatít? **14** Cāna cpaxcatcatziniy Dios pi níticu luu cakmununít nac milakstipancán, caj xman huá Crispo chu Gayo. **15** Pus huá xpamacata ccalihuaniyán pi huixinín nilay nahuanátit para nac quintacuhuiní taakmununitatít. **16** Masqui xlīcāna pi na ccaakmúnulh xlitalakapasni Estéfanas, pero niaj cpastaca para tícu ccaakmununit atúnuj. **17** Porque Cristo ni huá quililacsacnít xlacata caj nacakmununún, huata huá quililácsaclí laqui naclíchuhuinán amá laktáxtut huantú Dios calilakmaxtuputún xlíhuak cristianos, pero acxní huá clichuhuinán ni clilacataquínán huantú luu líska lala tachuhuín laqui pi ni naclimactiy xlitlihueke huantú kahiy xtalakalhamanín Jesús acxní nilh nac cruz.

Cristo kahiy xlitlihueke y xlískalala Dios

18 Amäkolh cristianos huánti talipaxuhuay huántu mälaktzankenán xlacán talacpuhuán pi nitú limacuán mäsqui Jesús nilh nac cruz xlacata nalakmäxtunún; pero xlíhuák aquinín huánti lakmäxtuputunáhu quilistacnicán catziyáhu pi huántu Jesús akspulanit nac cruz xlícaña huá xtalulóktat y xlítlihueke Dios naquincälakmäxtuyán. **19** Porque xlícaña lą huan Dios nac likalhtahuaka:

Aquit cámaj calactlahuaniy xlískalalacán huánti lakskalalán lacchixcuhuín, y nitúcu cactilimáxtulh xtalacapastacnicán huanti luu lactalipáhu cämaklhcatzicán.

20 Caj lata chü caquilahuaníhu, amäkolh lakskalalán lacchixcuhuín, chü lactalipáhu mäkalhta-huakenanín, xahua huánti huák talakapasa lata túcu laclanca talacapastacni anán nac caquilhtamacú, ¿túcu chü calimacuaninit? Osuchí ¿pi huá cämaktáyah laquí natalipáhuán Dios? Xlicána pi Dios maktumá mäsiyunit pi nitú limacuaniy xlískalalacán y xtalacapastacnicán huánti lactalipáhu talitaxtuputún. **21** Cumu Dios kalhiy lanca líska-lala xlá ni lacásquih pi caj xtalacapastacnicán lakskalalán lacchixcuhuín huánti uú xala caquilhtamacú nalilakapascán xtalacapastacni, huata huá limacámilh xtachuhuín laquí nacalakmäxtuy xlíhuák huánti natalipáhuán, mäsqui xlícaña pi huá umá tachuhuín huántu mastay laktáxtut talacpuhuán pi nitú calimacuaniy xlíhuák amäkolh huanti taamánalh talaktzankatayay.

22 Amäkolh judíos talacpuhuán pi nitú limacuán porque xlacán pułh taucxilhputún aktum lanca licácnit xtascújut Dios laquí natalipáhuán, y

griegos caj tzucuy tatamá lacastuca xlískalalacán amá tachuhuín aver para xlicana huántu lichuhuínancán laqui chú ná natacanajlay. ²³ Pus huá xpá lacata acxní aquinín liakchuhuínanáhu chatum Cristo huánti xtokohuacácalh nac cruz caj quimpalacatacán, judíos tzucuy taliaklhuhuatnán talisitziy y tahuán pi huá eé caj lixcájnit talacapastacni; y amákolh huánti ni judíos acxní takaxmata quintachuhuincán xlacán nítu taliucxilha porque talimáxtuy cumu la xtalacapastacni lactonto lacchixcuhuín. ²⁴ Pero xlihuák aquinín huánti Dios quincalacsacnítán xlacata naquincalakmaxtuyán, chuná la judíos cumu la huánti ni judíos, stalanca catziyáhu pi amá Cristo huánti aquinín lichuhuínanáhu limacuán huántu xlá mākantaxtinit nac cruz, porque antá masiyuma Dios lanca xlítlihueke chu xlískalala. ²⁵ Porque amá xtalacapastacni Dios huá lata quincalakmaxtuputunán, masqui nac xlacatincán cristianos tasiuyu pi nítu limacuán pero huata huá tlak limacuán níxachuná xtalacapastacnicán lakskalalán lacchixcuahuín xala caquilhtamacú. Y para huí tí lacpuhuán pi Dios ni xlicana kalhiy litlihueke porque maknícalh Jesúz nac cruz pus lacatancs ccáhuaniyán pi Dios makatlajakoy xlihuák litlihueke huántu anán nac caquilhtamacú. ²⁶ Natalán, calacapastáctit lata Dios calacsacnítán laqui nacalakmaxtuyán masqui lhuhua huixinín huánti ni lakskalalán lacchixcuahuín cumu la huancán uú nac caquilhtamacú, lhuhua huixinín huánti ni laktlihuekén, y ná ni kalhiyátit limapeksín, chunalítum ni lac-talipahu cristianos militalakapasnicán. ²⁷ Pero Dios luu chuná calacsacnít huánti nac caquilhta-

macú calimaxtucán luu lactonto laqui lən nacamamaxaniy əməkəlh lacchixcuhuín huantí luu lakskalalán talitaxtuy, y laqui lən nacamamaxaniy huantí lakkəlanca y laktlihuekén, xlá calacsacnít huantí nipara tzinú laclicána calimaxtucán uú nac caquiltamacú. ²⁸ Dios calacsacnít nacalimaxtuy huantí ni lactalipahu lacchixcuhuín, əməkəlh huantí ni caucxilhputuncán uú porque nitúcu takalhiy, laqui chuná lən nacamamaxaniy əməkəlh huantí talacpuhuán pi tlən tahuilánalh y luu lactalipahu. ²⁹ Dios calacsacnít huantí nitúcu xkasatcán laqui chuná nipara chatum tícu nalacpuhuán pi luu atzinú talipahu nac xlacatín. ³⁰ Pero caj ləta Dios quincalakalhamanán xlá quincata malacastucni Cristo Jesús, y nə luu chuná lacasquín pi caj xpälacata Cristo nalakapasáhu xlihuák xtalacapastacni y akstítum nalatamayáhu cumu la xlícaná xcamanán, xahuachí niaj caquinticamaxokonín xlihuák huantu xtitlahuanitáhu quintalakalhincán porque xlícaná pi aya quincalakmaxtunitán. ³¹ Pues luu quincamininiyán pi quillacán natlahuayáhu amá tachuhuín huantu tíhua Dios huanchú tu tatzóknít nac likalhtahuaka antanícu chiné huan: “Para tícu caj luu sacstu talipahu litaxtuputún, mejor lihuana calacapástaclí huantu Dios tlahanit nac xlatámət.”

2

Pablo lichuhuinán Cristo huantí xtokohuacacanit nac cruz

¹ Natalán, acxni aquit ccaquilkachán laqui naccalitakalchuhuinán huantu ni xcatziyátit tancs xtalacapastacni Dios, nitú clacsacxtuma

huántu lactlán tachuhuín o para ccalimakalhchuhuinín laclanca talacapastacni huántu tuhua naakataksátit. ² Huata caj xmənhaú líhuana ccalimakalhchuhuinín tícu tamá Jesús y túcu xpälacata lininit nac cruz, pus nítu túnuj ccalimakalhchuhuinín porque caj xmənhaú xaclacasquín líhuana caakatákstít. ³ Acxni aquit ccalakchán xacmaklhcatzima cumu lámpara ni xackalhiy lítlihueke hasta xaclhpipima caj lata xacquihpuhuán chicá para xamaktum ni tancs naccatakalhchuhuinanán. ⁴ Y acxní chú ccalimakalhchuhuinín xtachuhuín Dios ni cchuhuinalh cumu lachatum skalala chixcú xlacata pi naccamáakataksniyán, pus huata huá Dios chu xlítlihueke Espíritu Santo cámakataksní pi xlícaná huá xtalulóktat huántu aquit xaccalimakalhchuhuinimán. ⁵ Chuná ctláhualh laqui amá mintacanajlatcán ni huá xtalacapastacnicán lacchixcuhuín nalimapalhiyátit sinoque huá Dios cámaktayamán y masiyuma xlítlihueke nac milatamatcán laqui nacanajlaniyátit.

Xespíritu Dios masiyuy huántu xamakán tzék xuí xtalacapastacni

⁶ Masqui xlícaná pi acxní ccatakalhchuhuinanáhu amákolh cristianos huántiaya líhuana talipahuanít Quimpuchinacán Jesús, ccalimakalhchuhuiyáhu laclanca talacapastacni. Pero amá talacapastacni huántu aquinín cmasiyuyáhu ni aquit clacsacxtunit quiliskalala, na nipara huá xlískalalacán amákolh lacchixcuhuín huántiluu lactalipáhu talitaxtuy y tamapeksinán

uú nac caquilhtamacú, porque tamäkolh nimakás quilhtamacú taamánalh tatälaktzankay xliskalalacán. ⁷ Huata huá aquit clichuhuinán xtalacapastacni Dios huá eé talacapastacni huantü tzék xuí hasta lata timälacatzúquih caquilhtamacú laqui la calacchú quilhtamacú aquinín naquincalakmäxtuniyán quilstacnicán.

⁸ Porque amäkolh cristianos huantí luu tapuxcunit nac caquilhtamacú y tamapeksinán niá taakataksa xtalacapastacni Dios, porque para xtitaakátaksli ni xtitapekextokohuácalh nac cruz Quimpuchinacán huantí na xpuchiná xlihuak lata túcu anán. ⁹ Pero tancs lata lácu tatzoktahuilanit nac likalhtahuaka antanícu chiné chiné huan: Xlihuak amäkolh cristianos huantí tapaxcatca-tziniy Dios lata xlá calakalhamanit,

lhuhua tu Dios likalhima nacamaxquiy huantü nipara chatum chixcú a ucxilha, na nipara a kaxmata,

y nipara tzinú xlacapastacnít para tlän huák kantaxtuy.

¹⁰ Pero huá Espíritu Santo quincalimacatzinimán Dios eé tzék xtalacapastacni, porque huá Xespíritu huák lakapasa xtalacapastacni Dios hasta mäsqui huantü nilay akataksán.

¹¹ Cumu la huixinín catziyátit nipara chatum chixcú catziy túcuya tapuhuán kalhiy nac xnacú atunujlitum chixcú, sinoque caj xmänhuá xtalacapastacni catziy túcuya tapuhuán kalhiy. Pus nachuná chü Xespíritu Dios caj xmänhuá catziy y lakapasa xtalacapastacni Dios. ¹² Y aquinín ni huá maklhtinanitáhu xtalacapastacnicán lakskalalán lacchixcuhiún xala caquilhtamacú

laqui nalakapasáhu xtalacapastacni Dios, huata Dios quincamaxquinitán Xespíritu laqui naakataksáhu xlíhuák xtalakalhamanín huantú xlá quincataiyán. ¹³ Tancs clichuhuinananáhu eé talacapastacni porque huá Xespíritu Dios quincamacatzininitán, y ni huá clichuhuinán huantú caj questu quintapuhuán. Pus huá xpápacata acxní aquinín malactitumiyáhu xtalacapastacni Dios xlacata nataakataksa cristianos tancs cmatlantiyáhu porque huá Espíritu Santo quincamaktayayán.

¹⁴ Amakolh cristianos huantí ni talama Espíritu Santo nac xlatamatcán ni tamatlanty huantú malacapastacnínán Xespíritu Dios porque xlá lacpuhuán pi nitu limacuán, xahuachí hasta nilay taakataksa porque umá huantú ccáhuanimán caj xmanhuá tlán taakataksa huantí takalhiy xtalacapastacni Espíritu Santo. ¹⁵ Pero amá cristiano huantí kalhiy xtalacapastacni Espíritu xlá catziy huantú lakatiy Dios y huantú ni lakatiy, y nipara chatum ticus nalihuaniy, o tlán namaakataksniy pi nichuná xlá. ¹⁶ Porque nac xtachuhuín Dios chiné tatzoknít: “¿Tícuya cristiano lakapasa o akataksa xtalacapastacni Dios? Y ¿tícu cahuá nahuanilén huantú xlá natlahuay?” Pero xlíhuak aquinín huantí quincatalamán Espíritu Santo nac quilatamatcán y lipahuanáhu Cristo kalhiyáhu xtalacapastacni.

3

Corintios xtachuná cumu la lactzu camán huantí nilay taxketinín

¹ Natälán, hasta chú acxni ccamakalhchuhuínimán nílay ccalixakatliyán lactúhuaj tachuhuín cumu la cristianos huánti tlhueke takalhiy xta-cañajlatcán, huata tu ctlahuanít chuná ccalima-kalhchuhuíninitán cumu la cristianos huánti caj xmanhuá talakapasa huantu uú xala caqUILhtamacú. Huixinín xtachuná lítaxtuyátit cumu la lactzú camán porque ni naj lihuana a akataksátit xtalacapastacni Cristo. ² Aquit luu laka-siyu ctzucún cámakalhchuiniyán xtachuná cumu la lactzu lakskatán huánti cajcu tatziuiy, cali-mahuicán leche porque ninaj lay taxketiy atúnuj tahuá; y hasta chunacú huixinín lapátit ni naj lay xketininátit. ³ Huá chuná ccalihuaniyán porque luu lipecua lata laquiclhcatzaniyátit, lamakasi-tziyátit y catuhuá huántu nítlán lałtluhuaniyátit, y luu átzinú mas lakatiyátit latapayátit cumu la amäkolh cristianos huánti ni talakapasa Dios. ⁴ Porque acxni huixinín huanátit: “Aquit ctapeksiniy Pablo”, y makapitzín huamparayátit: “Aquit huá ctapeksiniy y cmacastálama Apolos”, luu lacatancs mäsiyupátit pi nípara tzinú lakpalipátit milatamätcán.

⁵ Porque para caj luu cuentaj natluhauayáhu huá lata huixinín huanátit, ¿túcu aquit quinkásat laqui chuná naquilalichuhuinanáhu? O ¿túcuya lítihueke kalhiy Apolos xlacata pi chuná lichuhuinanátit? Luu xlicána lacatancs cca-huaniyán pi aquinín caj xlacscujnín Dios, y caj xmanhuacú cmäkantaxtinitáhu huántu quinticalimapeksín xlacata pi huixinín ná nalipahuanátit Quimpuchinacán Jesús. Lata chatunu chatunu aquinín cmäkantaxtinitáhu huántu xquincalima-

peksicanitán naclahuayáhu: ⁶ aquit quilima-peksícalh cacchanánalh, y Apolos límapeksícalh camunuhiúlilh pero xmáñhuá Dios huánti tlán namástacay umá tachanán nac minacujcán. ⁷ Y antá stalanca tasiuy pí huánti chanánalh, chu huánti cuentájlahl nilay lilacataquínán xtascújut porque caj xmáñ huá Dios mästakanít mintaca-najlatcán. ⁸ Xlihuak huánti tachanánalh y huánti tacuentájlahl amá tachanán acxtum huák tasa-cuán, pero Dios ámaj cámashahuiy lata lakkhán nacámashahuijcán xpälacata xtascujutcán huántu tatlahuanit. ⁹ Xlihuak aquinín huánti clichuhui-nanáhu xtachuhuín Dios huá clacscujnímáñáhu, y huixinín ná huá tapeksiniyátit porque lítaxtu-yátit cumu lā xparcela antanícu quincámascuju-macán, osuchí ná tlán nacálimaxtucanátit cumu lā aktum lanca chiqui huántu Dios yahuama. ¹⁰ Umá xasasti xchic Dios huántu tzucumácalh yahuacán luu xtachuná lítaxtuy cumu lā a cat-lahuacanchá aktum pätzaps chiqui, Dios quili-maxtunít cumu lā xapuxcu tzapsná y xamaka-pitzín huak caj quimaktayanánín, pero lata cha-tunu aquinín huánti tzapsnamáñáhu luu cuentaj quilitlahuacán xlacata pí tancs natlahuayáhu eé tascújut. ¹¹ Porque chú niajlay tícu catimalaca-tzuquipá pylactum lítum tascújut xtachuná cumu lā malacatzuquínít Jesucristo. ¹² Lata xlilhuhua huánti tamaktlahuamánalh eé chiqui makapitzín talichiquinamánalh huántu tayaniy cumu lā oro, plata y lacuán chíhuix, y makapitzín talichiquina-mánalh huántu ni tayaniy cumu lā páklhat, mátluc y móköt. ¹³ Pero acxní namín Jesucristo xlacata naquincatłahuayán taxokón xlihuak aquinín

cristianos acxnicú chú natasiuyu xanícumá tlak tlan tascújut huantü tayaniy o huantü nalaclakoy, porque nalimapasicán lhcuyat, antacú natasiuyu xatícu tlahanit tlan xtascújut. ¹⁴ Para chatum cristiano lichiquínalh nahuán huantü tayaniy y ni lhcuy, chacatziya pi namaklhtinán xtaskáhu. ¹⁵ Pero para ti lichiquínalh nahuán huantü lhcuy, acxní chú nalaclhcatahuilakoy huantü xliscujnít, luu snún nalaklipuhuán masqui Dios namaxquiy quilhtamacú calaktáxtulh xtachuná nalitaxtuy cumu la tzi tzalataxtuy lacatum antanícu aclhcata-yama chiqui.

¹⁶ Xahuachí, ¿pi ni catziyátit pi Dios calimaxtuyán chatunu cumu la xpusiculan antanícu nalakachixcuhuicán y na antanícu natahuilay Xespíritu? ¹⁷ Cumu huixinín xpusiculan, para tícuya cristiano nalikamanán eé pusiculan o hasta nalactlahuay, pus mismo Dios man namapaqniy; porque aktum xpusiculan Dios xatasiculanatlahu y mininiy nacacninanicán.

¹⁸ Necxnicú luu cataakskahuítit para tícu la hui-xinín luu skalala maklhcatzicán caj cumu lhuhua huantü lakapasa uú nac caquilhtamacú, huanti chuná lacpuhuán luu mininiy calitáxtulh cumu lámpara nitu catziy laqui chuná xllicana skalala nalimaxtuy Dios. ¹⁹ Porque tamá xliskalalacán lacchixcuhuín Dios nitúcu liucxilha. Pus nac likalhtahuaka chiné tatzoknjit: “Dios camaxquiy quilhtamacú xlacata pi catalilacataquinalh xliskalalacán huanti lakskalalán camaklhcatzicán lacchixcuhuín laqui acalistán man sacstucán natallitamaxaniy xliskalalacán.” ²⁰ Y lacatum chiné huamparay: “Dios stalanca catziy pi nitu lima-

cuán xliskalalacán lacchixcuhuín porque xlacán ni tamakaacchán xtalacapastacnicán.” ²¹ Pus huá xpälacata ccālihuaniyán pi nipara chatum cristiano calilacataquínalh pi huá tapeksiniy chatum chixcú caj cumu atzinú lakatiy huantü xlá lichuhuínán. Pero lacatancs cacatzítit pi nipara chatum tícu tapeksiniyátit sinoque huatunín catapeksi niyán porque Dios camacaminít xlihuák huantí taliakchuhuínán xtachuhuín laquí huixinín nacalimacuaniyán. ²² Chuná cumu lá Pablo, Apolos, Pedro, hasta xlihuák huantü anán nac caquilhtamacú huák camaxquinítán Dios laquí nacamacuaniyán, hasta náchuná xlihuák huantü natianancú acalistán, chuná cumu lá eé milata-matcán huantü kalhiyátit uú nac caquilhtamacú, xahua amá latámat huantü nakalhiyátit acalistán nac calinín, xlihuák umá huixinín cäatapeksiniyán xlacata nacamacuaniyán. ²³ Pero clacasquín líhuana nacatziyátit pi huá Cristo tapeksiniyátit y nascujnaniyátit chuná cumu lá xlá tapeksiniy y scujnima Dios.

4

Huantú luu xlitaakatzanketcán apóstoles

¹ Aquit ccahuaniyán pi tlán naquilalimaca-náhu cumu lá xtasácuán Cristo huantí quincalecsacnítán laquí naclichuhuínanáhu amá xtala-capastacni huantü xamakán quilhtamacú tzek xuilinít laata lacu luu quincalakmáxtuputunán.
² Pus huixinín stalanca catziyátit lácu mininíy nalatamay chatum tasacua, xafuerza nascuja

y namákantaxtiy amá tascújut huánti límapeksinít xpatrón. ³ Bueno, ¿pi aquit cahuá amá tlán tasacua? Pus ni ccatziy, pero nipara tzinú quincuenta huántu huixinín quila limacanáhu o huántu quintalacpuhuaniy xamakapitzín cristianos porque hasta mismo aquit ni ccatziy para tlán tasacua aquit. ⁴ Y mäsqui quintalacapas-tacni ni quimäcatziniy para pi ctlahuanít talakalhín huántu naclimaxanán, pus xlícaná pi nilay cmäluloka para nitu ctlahuanít talakalhín porque caj xmänhuá Dios Quimpuchiná stalanca catziy para ckalhij o nitu ckalhij talakalhín. ⁵ Huá xpälacata aquit ccalihuaniyán, nipara chatum tícu caliaksántit para tlán o nítlán lata scujnima Dios. Huata mejor cakalhítit caminkelh Quimpuchinacán Jesús laqui huá calakuán namäxtukoy huántu xtamaaktzekuili konít xamakapitzín y natamacxtukoy nac xacäxkakaná huántu lanchú huí nac xalakacapucsua, y hasta acxnicú luu natasiyuy para xlícaná amá cristianos líscujli huántu Dios xlímapeksinít, y na acxní chú nacamaskahuicán pero lata cämíniniy chatum nacamaxquicán xtaskahucán.

⁶ Natalán, aquit clichuhuinanít lata lácum makapitzín huixinín tapeksiníputunátit Apolos caj cumu huá capuxculemán, y makapitzín huamparayátit pi aquit quilatapeksiniyáhu; huá chuná ccalihuanimán laqui nacatziyátit pi nítlán caj nalacsacmaktayayátit y xamakapitzín caj nalakmakanátit, pero xlícaná pi ni chuná huan nac xlímapeksín Dios. ⁷ Porque caj calacapastáctit, ¿tícu huix atzinú tlak talipáhu límaxtuyán nixachuná

cumu la x̄amakapitzín? Y ¿túcuya tlān talacapas-tacni huix kalhiya para n̄i huá Dios máxquinitán? Bueno, cumu para catziya pi huá Dios máxqui-nitán, ¿túcu chū xpālacakata caj līlacataquínana xtachuná cumu lámpara caj mēcstu mān maclanita mintalacapastacni?

8 Caj lāta aquit ccaucxilhán, huixinín xalac Corinto límaxtucanátit cumu la lakskalalán cristianos huantí acchán takalhiy xtalacapastacnicán, hasta máx cāmaklhcatzicanátit cumu la chatum talipahu rey y niaj tu līlayátit quintastacyahucán. ¡Lū tlān xuá para xlícanā huixinín xmapeksinántit cumu lá rey laqui xquilałalakalhamáhu y xquilałámxquíhu talacasquín xactahuilacháhu nac mimpumapeksincán! **9** Aquinín huantí cliakchuhuinanáhu xtachuhuín Quimpuchinacán acatunu chuná cmaklhcatziyáhu pi lámpara Dios ăhuatá quincăhuilinítanchán nac xtankén cumu lá ămākolh tachín huantí catlajacanit nac guerra y chū cālemácalh antanícu nacāmaknicán porque calilhcácanit pi nacāmaknicán, y la naclahuáhu līlakastán uú nac cāquiltamacú chuná nac xlacatinctán ángeles chu nac xlacatinctán cristianos. **10** Aquinín quincălimacāncanán cumu la lactonto lacchixcuahuín caj xpālacakata cumu n̄i clímaxananáhu y aktum ccatziyáhu pi clacsujnimānáhu Cristo, y huixinín calimaxtucanátit lakskalalán porque caj xmānihuá tlahuayátit huantú matlantiyátit laqui n̄iti nacásitziniyán. Aquinín nipara tzinú laktlihuekén clitaxtuyáhu uú nac cāquiltamacú, pero huixinín luu lactalipahu lītaxtuyátit; aquinín luu lipecua lāta quincālakmakancanán, pero

huixinín luu lakalhamancanátit. ¹¹ Lhuhuatá tapatín cmahuacáhu porque ankálhíná cquilhtzincsáhu, cpátiyáhu takalhputí, y acatunu hasta nítu quilhakatcán huantú naclhakayáhu; cristianos märi quincasitziniyán y quincahuilinicanán, xahuachí ni ckalhiyáhu quinchiccán antanícu lacatum nactahuilayáhu. ¹² Nítí tu csquinimänanáhu para túcu, huata cliscujáhu quimacancán laqui nacuayanáhu; acxni para tícu calahuá quincalikalkamänanán aquinín lacuán tachuhuín clikalhtiyáhu. MäQUI ankálhíná quincalacputzanimacán huantú nítlán hasta quincaputzastälacanán, pero aquinín chunatiyá cpaxcatlemanáhu. ¹³ Acxni calahuá quincaksancanán aquinín caj lipaxúhu ccalimäkalchuhuinínyáhu cristianos. Nac caquilhtamacú nítu quincaliucxilhcanán, xtachuná clítaxtuyáhu cumu lą palhquím o huantú niaj tu limacuán; y chuná quincatlahuacanán hasta lanchú.

¹⁴ Ni nalacpuhuanátit para huá chuná ccalitzok-nimán eé carta laqui caj naccalimämaxaniyán huantú huixinín tlahuayátit, huata huá chuná ccalimäkalchuhuinínyá tit laqui pi xtaakstítumilítit porque aquit luu snun ccalakalhamanán cumu lą quincamanán. ¹⁵ Huá chuná ccalihuaniyán porque mäQUI xkalhítit akcáhu milh mäkalh-tahuakenanín huantí xcalimäkalchuhuinínyá tit xtachuhuín Cristo, huata caj xman chatum kalhiyátit huantí capulalemán, huantí litaxtuy cumu lą mintlatcán nac xasasti latámat huantú kalhítit acxni lipahuántit Cristo Jesús; chuná cuan porque aquit huantí luu pulh ccalimäkalchuhuinínyá amá lipa-

xúhu xtachuhuín huántu camálacnúnín laktáxtut.
16 Y cumu la mintlāticán aquit, pus clacasquín pi chuná naucxilhtiyayátit laṭa lácu clilama quintacanajlat laqui huixinín quincamanán nāchuná naquilamacastalayáhu.

17 Pero xlacata mās naakataksátit y líhuana nalatzaksayátit nalatapayátit chuná cumu la aquit clama, camán camalakachaniyán chatum quimaktayaná huánti clipulhcay cumu la quinkahuasa huanicán Timoteo laqui huá nacalimákalhchuhuiniyán laṭa lácu aquit ccamakalhchuhiñiy cristianos huánti talipahuán Dios laṭachá nícu aquit cquichán nac cächiquinín. **18** Aquit ccatziy pi makapitzín huixinín luu lactalipahu cámaklhcatzicanátit huá tlahuayátit o huanátit huántu mās lakatiyátit, huá chuná lítlahuayátit porque lacpuhuanátit pi niaj nēcxni cacticálan-chán. **19** Pero para Dios lacasquín nípara makás quilhtamacú naccalakapaxialhnánán, y acxnicú chú nacucxilha para xlicána talatzaksamánalh nac xlatamatcán huántu tahuán, aver para ní caj marí talilacataquinán tamakolh huánti marí tahuán. **20** Porque milicatzítcán pi huánti lipahuán Dios ní caj xman antiyá lítamakxteka para catziy lacuán tachuhuín y lān líchuhuinán xtapeksit, sinoque masiyuy nac xlatámat pi kalhiy xlitlihueke Dios porque makantaxtij. **21** Huá chuná ccálihuanimán porque ¿pi lacasquinátit naccalakanachán laqui caj naccalacaquilhniyán, o lacasquinátit naccalakapaxialhnánán y luu lipaxúhu naccatakalhchuhuinanán cumu la quincamanán huánti tatlahuamánalh huántu ccálimapeksí?

5

Pablo lichuhuinán pi nitlán para tícu xpuscat tlahuanit xtutzi

¹ Ccahuaniputunán pi lacaxtum catzimácalh pi nac milakstipancán huí chatum huantí mat na lipahuán Cristo y la ta maklit tamacxtupiyátit ankalhíná catañamacxtumiyán, pero umá chixcú xpuscat tlahuanit xtutzi. Ccahuaniyán pi umá chixcú tlahuanit lanca talakalhín huantú ni xlítlahuat, porque hasta amákolh cristianos huantí ni talipahuán Dios nichuná talamánalh. ² Y masqui catziyátit pi chuná nipara tzinú limaxananátit huata caj lámpara lihuaca lilacataquina-nátit. Luu cameniniyán pi xlipuhuántit caj xpala-cata pi nitlán huantú lama nac milakstipancán, y tamá chixcú huantí chuná lama mininiy pi maktum camalakachokótít xlacata pi niaj nacata-macxtumiyán. ³ Masqui aquit ni antá lacxtum ccatahuilachán xachatumínica, pero luu clílipuhuán huantú capaxtokmán, pero camaklhcatzítit pi lámpara xastacná antá ccatalakayachán y aya lihuana clacapastacnít huantú mininiy natlahua-niyáhu tamá chixcú laqui nalistactayay. ⁴ Xli-huák huixinín huantí lipahuanátit Dios macxtum calapítit y cacatzítit pi antá huilachá nahuán qui-listacni, xahuachí ni akatiyuj calátit porque huá Dios nacamaxquiyán litlihueke laqui namakan-taxtiyátit huantú camán calimapeksiyán. ⁵ Tamá chixcú huantí tlahuanit amá lanca talakalhín niaj camaxquítit talacasquín macxtum nacatalayán, huata maktum pi catamacxtútít y cahuanítit pi cumu huá lacscujnippetún akskahuiní entonces

huá macamaxquipátit xlacata pi catlahuánilh huántu tlahuaniputún, y hasta camálaksputúnilh xmacni laqúi acxní namimparay xlimaktiy Quimpuchinacán nac cäquilhtamacú huá catziy para nalakalhamán y nalakmáxtuniy xlistacni.

⁶ Nac milakstipancán tlahuamácalh lixcájnit talakalhín pero mäsqui chuná huixinín ni cuentaj tlahuayátit y hasta lacataquinanátit. ¿Lácu pi ni catziyátit lácu huan aktum takalhchuhuín: “Masqui caj actzú levadura namacanícán xatalakmún harina, xlihuak xlilanca bastón namaxcutikoy”? ⁷ Huá xpalacata ccalihuaniyán, catamacxtútít tamá chixcú porque xlá litaxtuy cumu la levadura, y chuná nataucxilhtiyay xamakapitzín la ta lácu xlá kalhiy xalixcájnit xtalacapastacni, y xlihuak chú huixinín nalitaxtuyátit caxtilánchahu huántu nitu kalhiy levadura y litlahuacanit xasasti xatalakmún harina xtachuná cumu la tu huacán acxní taxtuy xapaxcua taakspuntzalín. Y nipara caj catilitaxtútít sinoque luu xlicana chuná calimáxtunitán Quimpuchinacán Jesucristo, porque acxní xlá quincapalakanín nac cruz litáxtulh cumu la xatamaakxtakajníñ xborrego Dios huánti xokonúnilh xpalacata quintalakalhincán. ⁸ Aquinín quincaminiñiyán namákantaxtiyáhu quimpaxcuajcán xla taakspuntzalín pero huántu tlan y akstítum, xahuachí caj xmanhuá nahuayáhu amá caxtilánchahu huántu nitu kalhiy levadura, pero niaj calimapaxcuajníhu Dios quintaaksanincán chu xalixcájnit talacapastacni huántu xkalhiyáhu nac quilatamatcán, porque huá tamá litaxtuy

xamakán levadura.

⁹ Amá quincarta huantu pulh cticatzoknín y cticamalakachanichán, antá lacatancs ccalimakalchuhuinín xlacata pi niaj catatalakxtupítit amakolh lacchixcuhuín huantí chalhuhua takalhiy xlacchajancán. ¹⁰ Acxní chuná ccatzoknín ni ccahuaniputún para luu maktum niaj cacatatalakxtupítit amakolh cristianos huantí ni talipahuán Dios cumu para huantí takalhanán, huantí chalhuhua takalhiy xlacchajancán, huantí huak tala-
katilacán huantu nítu takalhiy, huantí talakachix-
cuuiy tzincun; chuná ccahuaniyán porque para
chuná xmakantaxtiputútít talacasquín pi mak-
tum xtapanútít nac eé caquilhtamacú. ¹¹ Huata
aquit xaccamäkataksniputunán pi amakolh lac-
chixcuhuín huantí tahuán pi na talipahuán Dios
pero chalhuhua takalhiy xlacchajancán, marí
taaksaninán, taquiclhcatzaniy xtacristianoscán,
catuhuá talakcatzán, xlakachixcuuinanín tzin-
cun, xakotnín osu xakalhananín; xlihuak huantí
chuná talamánalh y tahuán pi na talipahuán Jesús,
huixinín niaj amigo catlahuátit y hasta ni caca-
tatalakxtupítit xlacata acxtum nacatihuayanátit.
¹²⁻¹³ Xlicana xlá pi aquit ni quimininiy nacuaniy
huantu xlitláhuat chatum huantí ni lipahuán
Jesús porque solamente Dios catziy lácu nama-
kalhapaliy; pero xlihuak aquinín huantí lipahua-
náhu Cristo tlán lacatitum lahuaniyáhu huantu
quilitlahuaticán y lácu quilitatamátcán. Huá xpa-
lacata ccalihuaniyán pi ni akatiyuj calátit, mejor
maktum catamacxtútit tamá chixcú huantí tla-
huanit lixcájnit talakalhín nac milakstipancán
laqui nichuná natalaputún xamakapitzín.

6

*Huantí talipahuán Jesús sacstucán
catalaccaxtláhuah xtaklhuhuitcán*

¹ Aquit nipara tzinú cmatlantiy lata huixinín nipara xmakasni lamalacapuyátit nac xpumapeksincán amäkolh jueces huantí ni talipahuán Dios laqui huá nacalacaxtlahuaniyán lactzu mintaaklhuhuitcán huantu ni xmakasni latlahuaniyátit. Bueno, pero chinchú huixinín, ¿pi nilay man huixinín huantí canajlanín xlalacaxtlahuaniyítit tamäkolh lactzu mintaaklhuhuitcán? ² ¿Lácu pi ni catziyátit pi xlihuák huixinín huantí xcamanán Dios talitaxtunitátit, acxní natamapeksinanapítit na nacamäkalhapaliyátit xlihuák xamakapitzín cristianos huantí ni talipahuani nahuán Dios? Cumu para Dios calilhcánitán pi huixinín nacamakmäkalhapaliyátit amäkolh cristianos xala caquiltamacú huantí ni talipahuamputún, ¿lácu pi nilay chú lalacaxtlahuaniyátit tamäkolh lactzu mintaaklhuhuitcán huantu ni xmakasni calakchinán? ³ Xlihuák aquinín huantí lipahuanáhu Dios amanáhu camakmäpeksiyáhu hasta mismo huatunín ángeles xalac akapún. Cumu para chuná naquitaxtuy, ¿lácu pi lihuaca chú nilay calacaxtlahuayáhu lactzu mintaaklhuhuitcán uú xala caquiltamacú? ⁴ Huá xpälacata ccalihuaniyán porque huixinín huantí huanátit lipahuanátit Dios ni xmakasni lamakasitziyátit y tokosún pinátit talacapuniyátit chatum mapeksiná huantí nipara tzinú lakapaşa xlimapeksín Dios laqui

huá nacalacaxtlahuaniyán mintäklhuhuitcán.
5 Xlic̄ana pi nipara tzinú limaxananátit huant̄ tlahuayátit, ¿lácu pi niitu anán chatum huant̄ acxtum c̄at̄amatamacxtumiyán huant̄ makaacchán xtalacapastacni laqui huá nacalacaxtlahuaniyán mintäklhuhuitcán? **6** Tlān xuá para huatiyá pi túcu tzinú xlalimakalipuhuántit y aya tlān, pero huata lāmalacapuyátit nac xlacat̄incán mapeksinanín huant̄ ni talipahuán Dios.

7 Caj xlacata pi ankalhiná lāmakasitzihuilátit luu mákat aktzankatayanítatit, ni xlacata cumu para caj lāmakasitziyátit sino porque tuncán lāmalacapuyátit. ¿Túcu xlacata ni caj lipaxcatlipinátit acxni para tú ni tlán c̄atlahuanicanátit osu acxni para tú caakskahuimaklhticanátit? **8** Pero hasta mismo huixinín huant̄ acxtum lipahuanátit Jesúz lanca c̄alakayacántit porque niitu paxcatlipinátit, man̄ lāakskahuipiyátit y lh̄hua huant̄ ni tlán lātlahuaniyátit.

9-10 ¿Lácu pi ni catziyátit xlacata pi huant̄ Dios camalacnuniy xcamanán ni tzinú c̄amininiy natamaklhtinán huant̄ ni talakpalimáñalh xalixcánit xtalacapastacnicán? Por eso niaj cataakskahuitapátit porque nac xlacatín Dios necxnínicú catitáchalh amakolh huant̄ talakachixcuhiy tzincun, nachuná huant̄ taxakatliy atúnuj puscat masqui huí xpuscat, nachuná amakolh huant̄ talakatiy xtachixcucán y la xpuscat tlahuay, nachuná huant̄ takalhanán, nā nipara huant̄ catuhuá talakcatzalacaníy huant̄ takalhiy atúnuj cristianos, nā nipara huant̄ tihuanatá takachipulay, nipara aksaninanín, chu xlihuák amakolh huant̄ taakskahuimaklhtiy

huántu takalhiy xamakapitzín cristianos.
11 Masqui xlícaná pi xapulh huixinín nachuná xlápítit, pero chú aya calakalhamanitán Dios y Quimpuchinacán Jesucristo cächekemakanín xlíhuak mintalákalhincán laquí chuná Espíritu Santo nacatalatamayán nac milatamatcán y huántu akstítum nalatapayátit, xahuachí caj xmanhuá Dios nalimacuaniyátit y namalacatzuhuiyátit cumu la xlícaná xcamanán.

Xlicana pi tlán natlahuayáhu huántu lacpuhuanáhu pero ni huák quincamaktayayán

12 Huixinín catziyátit pi makapitzín chiné tahuán: “Para Dios nítu quilihuania, pus aquit tlán nacllahuay latachá túcu naclacpuhuán.” Xlicana xlá pi chuná, pero ni xlíhuak huántu tlahuayáhu quincalimacuaniyán. Aquit tlán nacllahuay lata túcu naclacpuhuán pero ni cactimástálh talacasquín pi huántu clakatiy ctluay namakatlajay quintalacapastaci y acalistán naquiliimaxtuy cumu la xtachín.

13 Huilapá aktum tachuhuín huántu chiné huan: “Huá lianán quintahuajcán laqui nalikasa quimpokocán, y quimpokocán huá quincalimaxquicanitán laqui nalipaxuhuay quintahuajcán.” Xlicana xlá pi chuná, pero acxni aquinín naniyáhu Dios lacxtum ámaj camalakspputuy porque niaj caticamaclacasquíhu. Pero ccáhuaniputunán pi ni nalacpuhuanátit para huá lítláhualh quimacnicán Dios laqui caj nalitlahuayáhu huántu lixcájnit talákalhín sinoque umatá quimacnicán huá tapeksiniy Dios y xlá latamáputún nac quimacnicán. **14** Y acxni

naniyáhu nakalhiyáhu túnuj quimacnicán porque Dios kalhiy lanca lítlihueke y chuná cumu lá xlá malacastacuánlh Quimpuchinacán Jesucristo nac calinín nachuná naquincamá lacastacuaniyán.

¹⁵ Xlihuak aquinín huanti lipahuanáhu Cristo masqui quilhuhuacán aya tatalakxtuminitáhu Cristo y huak aquinín litaxtuyáhu cumu lá caj chatum cristiano. ¿Pi quimininiy cahuá xlacata eé quimacni huantú tapeksiniy Cristo caj luu xmán naclitlahuay talakalhín y nactatalakxtumiy chatum puscat huanti caj xalakahuiti? ¡Xlicana pi ni lakchán! ¹⁶ Porque acxni chatum chixcú tatalakxtumiy chatum puscat masqui luu xchatiycán lámpara chatumá talitaxtuy. Chuná tatzoknit nac likalhtahuaka lacatum antanícu chiné huan: “Masqui xchatiycán, aquit ccylimaxtuy cumu lámpara chatumá.” ¹⁷ Pero acxni chatum cristiano macamaxquiy xlatámat Quimpuchinacán Cristo, xlicana pi Cristo chú amá cristiano chatumá talitaxtuy nac xlistacni.

¹⁸ Xlicana ccahuaniyán pi ni camalacatzuhuítit huanti camatlahuiputunán talakalhín, masqui xlicana pi nipara chatum anán huanti ni tlahuama talakalhín pero ni anán talakalhín huantú maxcajualiniy xmacni chatum chixcú cumu lá acxni tatalakxtumiy chatum puscat huanti xalakahuití. ¹⁹ Necxnicú tipatzankayátit pi huá quimacnicán Dios limaxtuy xpusiculan Espíritu Santo huantú xlá quincamaxquinitán laqui natahuilay nac quilatamatcán, por eso quilatamatcán niaj aquinín mapeksiyáhu. ²⁰ Cumu Dios luu taparaxlá quincaxokox tuninitán quilatamatcán, en-

tonces huá mapeksiy, quincaminiñiyán nalilaka-chixcuhuiyáhu Dios quimacnicán.

7

Para ti tamakaxtokputún pus catamakáxtokli

¹ Huixinín quintilatzokníhu mactum carta antanícu quiläkalhasquináhu para tlán o nitlán tamakaxtokcán. Aquit naccahuaniyán huántu clacapastaca, para chatum chixcú maklhcatziy pi tlán nalatamay masqui niti xpuscat, pus ni catamakáxtokli. ² Pero cumu lacaxtum huák tahuilánalh amakolh lakahuitinín lacchaján huanti caj chatum chatum taxakatliy lacchixcuhuín, huata laqui niti natlahuay taläkalhín mejor chatumu lacchixcuhuín catakálhilh chatumu xpuscatcán, y nachuná lacchaján catakálhilh chatumu xtakolucán. ³ Xlihuák huixinín huanti tamakaxtokátit, huá chixcú camáxquih xpuscat huántu maclacasquín xmacni y nachuná puscát camáxquih xtakolú huántu maclacasquín xmacni. ⁴ Chuná ccáhuaniyán porque huanti tatamakaxtoka chatum puscát niaj huá sacstu mapeksiy xmacni sinoque huá tapeksiniy xtakolú, nachuná xachixcú niaj huá sacstu mapeksiy xmacni sino que huá tapeksiniy xpuscat. ⁵ Huixinín huanti makaxtokátit, acxtum calamáxquítit huantü kalhiyátit y huántu maclacasquín mimacnicán, pero para acxtum catziyátit pi ni catitalakxtupitit canäcaj nícu aklit quilhtamacú laqui atzinú tlán nakalhtahuakaniyátit Dios, pus tlán pi chuná natlahuayátit, pero acxní nalakchán quilhtamacú

lata lilhcanitátit, catalakxtupiparátit laqui ni nalítlahuayátit talákalhín mimacnicán chicá para túnu cristianos huánti naxakatliputunátit.

⁶ Xlihuák umá huántu ccahuaniyán ni huá luu ccalimapeksimán, pero para tícu lacpuhuán pi tamakaxtokputún pus catamakáxtokli. ⁷ Pero huantu aquit quintalacapastacni, tlán xuá pi xlihuák lacchixcuhuín ni xtamatamakáxtokli cumu lá aquit, pero huata Dios quincamaxquinitán tunuj túnu talacapastacni.

⁸ Aquit clacpuhuán pi xlihuák lakahuasán y lacatumaján huánti niā tatamakaxtoka, chuná cumu lá amakolh lacchaján huánti canimakancanit, xalíhuaca tlán nacaquitaxtuniy nac xlatamatcán para chunatiyá natalatamay mäsqui ni catatamakáxtokli cumu lá aquit. ⁹ Pero para lacpuhuanátit pi nilay latapayátit mebstucán, mejor catamakaxtókit porque líhuaca tlán tamakaxtokcán y ni tlán quitaxtuy para caj chalipuhuana nalatapayátit caj xpälacata cumu nií huánti tatapeksiyátit.

¹⁰ Y chinchú huixinín huánti aya tamakaxtoknítátit, ccämäxquiyán eé límapeksín mäsqui xlícana ccahuaniyán pi ni quilímapeksín sinoque huá xlá Quimpuchinacán Jesús, xlacata pi chatum puscat necxnicú camákxtekli xtakolú. ¹¹ Pero para xamaktum namakxteka xtakolú chunatá akstítum calatámalh y niaj catatamakáxtokli atúnuj chixcú; pero para maklhcatziy pi nilay latamay sacstu entonces catalacáxlalh xtakolú y catatahuilapá. Y náchuná chatum chixcú necxnicú camákxtekli xpuscat.

¹² Umá tachuhuín huántu camán ccahuaniyán ni huá xlímapeksín Dios sino que caj quecstu quin-

talacapastacni, xlacata pi para chatum chixcú huantí lipahuán Jesús tahuí chatum puscát huantí ni lipahuán Jesús pero para matlantiy lata latahui, luu cämininiy pi chunatiyá calatatahui y ni calamákxtekli. ¹³ Nachunalitum para chatum puscát huantí lipahuán Jesús tahuí chatum chixcú huantí ni lipahuán Jesús, pero para matlantiy lata latahui, pus ni calamákxtekli y chunatiyá akstítum calatatahui. ¹⁴ Porque masqui amá chixcú ni lipahuán Dios quitaxtuy pi huá ná lakachixcuhiy y tlahuay xtapaxuhuán caj xpalacata cumu akstítum talama xpuscát. Y nachuná amá puscát huantí ni lipahuán Dios quitaxtuy pi ná huá lakachixcuhiy caj xpalacata cumu akstítum tahuí xtakolú. Para nichuná xquitáxtulh pus xlihuak xcamancán ni xtatapeksínih Dios porque niți xcalimakalhchuhiúnih, pero cumu para ni natalamakxteka pus tlán natatapeksiniy Dios. ¹⁵ Pero para chatum chixcú o chatum puscát huantí ni lipahuán Jesús luu juerza huan xlacata pi calamákxtekli, pus tlán maktum calamákxtekli, porque Dios lacasquín pi aquinín huantú akstítum calatamáhu. ¹⁶ Huá chuná ccalihuaniyán porque, glácu licatziya huix chixcú para tlán namäakataksniya mimpuscát xlacata nalipahuán Jesús caj cumu latiyá nalatatahuilayátit? O, glácu licatziya huix puscát para tlán namatlantiya xlacata nalipahuán Jesús mintakolú caj cumu ni nalämakxtekátit?

¹⁷ Xlihuak amäkolh cristianos huantí aya tali-pahuán Jesús lata nac akatunu cächiqún ccalimakalhchuhuiniy pi chunatá lata xlápat acxni Dios tasanín y xlihuak huantú xkalhiya acxni lipa-

huántit Jesús, chunatá cakálhi y ni calakmákanti porque huák huá Dios catajinitán. ¹⁸ Cumu para chatum cristiano circuncidarlanit nac xmacni chuná cumu lá talismaninit xlihuák judíos acalistán chú lipáhualh Jesús, pus ni caxapáxtulh huántu kalhiy nac xmacni; y para chatum huánti ni circuncidarlanit acxní tasánilh Dios pus ni xafuerza acalistán nacircuncidarlay. ¹⁹ Porque ni huá limakapaxuhuayáhu Dios para tasiuyu nac quimacnicán pi circuncidarlanitáhu o ni circuncidarlanitáhu, huata huá luu limakapaxuhuayáhu pi makantaxtiyáhu nac quilatamatcán xlimapeksín. ²⁰ Lata chá túcuya latámat o tascújut xkalhiyáhu chatunu chatunu acxní lipáhuanáhu Jesús, ni tuncán calakmakamputúhu, huata ya tapaxuhuán calilatamatcháhu. ²¹ Para acxní huix lipáhuanti Jesús xtamáhuacanita y xmascujupácantí cumu la tachín, ni calilipuhuántit para nilay laktaxtuya xlacata niaj nascujniya huánti xtamáhuanitán, pero para xamaktum namakxtekana pus ni camakakalhi quilhtamacú huata tuncán tlān catlahua. ²² Chuná ccahuaniyán laqui lihuaná naakataksátit y nacatziyátit pi chatum chixcú māsqui xtamáhuacanit y xmascujumácalh cumu la tachín acxní lipáhualh Jesús, lanchú qui-taxtuy pi lámpara calakuán lama porque laksmaxtunít Quimpuchinacán laqui nascujniy, y nachuna litum xlihuák amakolh huanti calakuán xtalamánalh acxní talipáhualh Jesús, lanchú xlacán caquítaxtuniy cumu lá xtachín y xtasacuán Cristo. ²³ Cumu Dios luu taparaxlá lata caxokoxtunitán xlacata huá natapeksiniyátit por eso niaj para tzinú cāmininiyán namāxquiyátit talacasquín min-

talacapastacnicán xlacata chuná namaktlahuayátit talakalhín cumu lá tlahuay catíhuá cristianos. ²⁴ Por eso natalán, ccahuaniyán pi ni akatiyuj calátit, huixinín chuná calatapátit nac xlacatín Dios cumu lá xlismaninitátit acxní huacu lipáhuántit Jesús, y nitú luu fuerza calakpaliputútít porque latachá túcuya latámät o tascújut huák lilakachixcuhuicán Dios.

²⁵ Nac mincartajcán huixinín quilakalhas-quinitáhu lácu luu camininiy natalatamay lakahuasán y lactzumaján para tlän o ntílán natatamatakaxtoka. Huantú aquit camán cahuaniyán ni huá Dios quili mapeksinit pero cumu huixinín catziyátit pi quilakalhamanit y quimáxquinit Dios liskalala xlacata tlän tastacyáhu naccamaxquiyán, huata camán calimákalhchuhuiniyán quintalacapastacni porque clacpuhuán pi máx chuná lākchán. ²⁶ Aquit clacpuhuán xlacata pi chäatum kahuasa huantí tamakaxtokputún luu ątzinú tlän xquitaxtúnih chunatiyá xlatámälh lá lama masqui ni xtamakáxtokli, porque xlicána luu catuhuá lá calacchú lamanáhu. ²⁷ Pero ni cuanimán huix huantí huijá mimpuscat xlacata pi camákxtekti mimpuscat huata ccahuaniputunán xlacata chäatum kahuasa huantí ninaj kalhiy xpuscat pus máx tlän ni capútzalh tuncán. ²⁸ Pero para chäatum kahuasa natamakaxtoka xlicána pi luu tlän porque ni tlahuay talakalhín; náchuná para huá chäatum tzumät tamakaxtoka tlän huantú tlahuay porque ni tlahuay talakalhín. Pero ccahuaniputunán pi xlihuák huantí tatamakaxtoka lhuhua taaklhúhuít calakchín

y aquit ni clacasquín para huixinín ná luu caj xm̄anhua nalitaaklhuhuitapayátit.

29 Natalán, chuná ccāhuaniyán porque clacasquín nacatziyátit pi niaj luu makas quilhtamacú quincatzankaniyán lata natiliscujáhu Quimpuchinacán, pus cāmininiy xl̄ihuák huantí aya tamakaxtoknit, pi luu akstítum catalíscuji xtachu-huín Dios hasta lata lácu tatayaniy cumu lámpara ni takalhiy xm̄ahuinacán o xtakolucán. **30** Laqui akstítum naliscujátit xtachu-huín Dios amakolh huantí takalhiy lanca talipuhuán nac xlatamatcán catapatzánkálh xtalipuhuancán y chapaxuhuña calimacuánlh cumu lá tí nitú kalhiy huantú nama-kalipuhuán; huantí lhuhua takalhiy huantú natapaxuhuay nac xlatamatcán catapatzánkálh xtapaxuhuancán; y chinchú huantí tamahuanamá-nalh catuhuá huantú tamaclacasquín cāmininiy natalimáxtuy huantú tamahuanit cumu lá ni xlacán. **31** Y xl̄ihuák huantí lhuhua takalhiy uú nac caquilhtamacú huantú lán natalipaxuhuay, huata chuná catalatámálh cumu lá tí ni luu natalakcatzán osu natalilipuhuán para natamakatzankay huantu talipaxuhuamánalh, pus mili-catzítcán pi xl̄ihuák huantú lanchú ucxilháhu uú nac caquilhtamacú nílay ankalihiná nalipaxuhuayáhu porque namín quilhtamacú acxní huák ámaj laksputa.

32 Huá chuná ccālihuaniyán porque ni clacasquín cāta catuhuá nalitaakatzanketapayátit nac milatamatcán porque chātum kahuasa huantí niā tamakaxtoka y sacstu lama xm̄anhua lítaakatzankey xlacata akstítum nalipahuán y namaka-

paxuhuay Dios. ³³ Pero acxni chú aya tamakaxtoknít caj luu xm̄anhua lítaakatzankéy huantú anán nac eé caquiltamacú y lácu luu namakapaxuhuay xpuscàtcán. ³⁴ Ná chuná chàtum tzumat huantí niá tamakaxtoka caj luu xm̄anhua lítaakatzankéy xlacata akstítum nalipahuán y namakapaxuhuay Dios, pero amá tzumat huantí aya tamakaxtoknít caj luu xm̄anhua akatiyuj lilay xlacata namakapaxuhuay nacacuentajlay xcamán chu xtakolú.

³⁵ Nitú nalacpuhuanátit para luu ccalimapeksimán pi niaj natamakaxtokátit, huata huá aquit ccalimakalchuhuinimán huantú atzinú nacamaktayayán nac milatamátcán laqui luu akstítum y xlihuák minacujcán naliscujniyátit y nalimacuaniyátit Quimpuchinacán.

³⁶ Para chàtum kahuasa squininanit, y accháná xcàta y lacpuhuán pi huá juerza natatamakaxtoka xtasquín, para luu mān lacpuhuán pi huá tlak nalimacuaniy pus tlān catamakáxtokli porque ni tlahuay talakalhín caj xpalacata cumu natamakaxtoka, huata chuná catláhuah lata lácu xlá lacpuhuán. ³⁷ Y para chàtum kahuasa huí xtasquín pero xlá luu aktum catziy pi ni tamakaxtokputún porque luu caj sacstu latamáputún pus tlān calatámālh sacstu masqui ni catamakáxtokli y ni tlahuay talakalhín. ³⁸ Eé quitaxtuy para chàtum kahuasa huantí squininanit aktum catziy pi nata tamakaxtoka xtasquín, pus xlicana pi tlān huantú tlahuay cumu tamakaxtoka, pero para xamaktum luu aktum catziy pi ni tamakaxtokputún pus luu lihuaca tlān quitaxtuniy pi ni natamakaxtoka.

³⁹ Chàtum puscat huantí makaxtoka xlicana

pi luu caj xmənhusá tapeksiniy xtəkolú lihuán lamajcú nac caquiltamacú, pero para xámak-tum nanimakancán, eé puscat quitaxtuy pi niaj t̄i mapeksiy y tl̄an natamakaxtokparay para xlá chuná lacasquín, pero catatamakáxtokli ch̄atum huant̄i nalipahuán Jesús. ⁴⁰ Pero aquit clacpu-huán pi atzinú lipaxúhu xlatámalh ch̄atum puscat huant̄i nimakancanit para pi chunatiyá xlatámalh y niaj xtamakáxtokli, aquit chuná ccalimakalh-chuhuiniyán quintalacapastacni porque huá Xes-píritu Dios quimalacpuhuaniy.

8

*Nitlán huacán tahuá huant̄u
lilakachixcuhuicanit tzincun*

¹ Y huilapá pulactum tachuhuín huant̄u hui-xinín quiläkalhasquimanáhu xlacata para tl̄an o nitlán huacán tahuá huant̄u lilakachixcuhuicanit tzincun. Xlicana l̄a huixinín huanátit pi ch̄atumu l̄ata lamañáhu huák kalhiyáhu talacapastacni y l̄iskalala laqui lihuana naakataksáhu pi tamakolh tzincun nit̄u limacuán. Pero umá quiliskalalacán huant̄u kalhiyáhu acatunu lilacataquinanáhu y lactalipahu quincalimaklhcatzicanán, pero huata t̄i xlicana lakalhamaninán chuná calimaktaya-leniy xtacanajlatcán huant̄i acu tatzucunit tali-pahuán Jesús y ninaj chuná akataksa. ² Para ch̄atum chixcú lacpuhuán pi huák catziy huant̄u xlitláhuat y luu skalala maklhcatzicán pero para ni capaxquiy xtacanajlanín, tamá cristiano tl̄an limacanáhu pi hasta ninaj skalala nahuán. ³ Pero para tícu luu xlicana lipahuán y paxquiy Dios,

nāchuná Dios luu lihuanaq māluloka nac xlatámāt pí tamá cristo makapaxuhuay.

⁴ Pero chujcú camán cahuaniyán huantú hui-xinín quilaqalhasquimanáhu. Cumu lá huixinín stalanca catziyátit pí aktum tzincun niitu limacuán nac caqUILhtamacú porque caj xman chatum Dios xastacná lama y nití anán atúnuj. ⁵ Y māsqui nac caqUILhtamacú xahuá nac akapún lhuhua xtaánalh amakolh huanti cristianos talimaxtuy cumu lá xdioscán y xpuchinacán tatluhaway, xlicana pí tamakolh niitu talimacuán. ⁶ Pero aquinín stalanca catziyáhu pí caj xman chatum huí huanti Quintlaticán Dios lama xastacná huanti cama-lacatzuquinít xlihuak huantú anán, huanti caj xmanhuá tapeksiniyáhu. Y xmanhuá chatum huí xastacná Quimpuchinacán Jesucristo huanti mak-tlahuanit xlihuak huantú anán y huanti quinca-maxquiyán quilatamátcán.

⁷ Pero ni xlihuak huanti aya talipahuán Jesús lihuanaq taakataksa huantú ccahuanimán, porque lhuhua huanti xamakán xlatamátcán xtalisma-ninít xtalakachixcuhiy tzincun cumu lá xas-tacná xpuchinacán. Acxní chú tahuay amá tahuá huantú lìlakachixcuhicánit tzincun luu akatiyuj talay talacpuhuán pí niatlán huantú tatluhamá-nalh porque amá tzincun chunacú talimaxtuy cumu lá chatum dios huanti ni xlilakachixcu-huitcán. Y cumu ninaj akstítum takalhiy xtala-capastacni ni tacatziy pí tamakolh tzincun niitu talimacuán huata talacpuhuán pí acxní tahuay amá tahuá talixcajualay nac xlatamátcán. ⁸ Mili-catzitcán pí Dios ni huá lacuán cristianos naquin-calimaxtuyán caj xpälacata huantú lihuayanáhu

o ni lihuayanáhu, porque acxtum litaxtuy nac xlacatín cumu para huaputuna catuhuá tahuá o para caj lacsaca huantú nahuaya y huantú ni huaputuna.

⁹ Pero mäsqui chuná xlihuák huixinín huantí catziyátit pi huák tlän lata túcuya tahuá nahua-yátit porque ni litlahuayátit talakalhín, pus luu cuentaj catlahuátit xlacata pi nitu luu calakuán namasiuyátit xlacata amäkohl huantí acu tzucunit lipahuán Quimpuchinacán ni nalitaaklhü-huiy xpälacata huantú tlahuayátit y xlacán natali tlahuay talakalhín para natahuay amá tahuá.

¹⁰ Huixinín huantí catziyátit pi latachá túcuya tahuá huák tlän, y para xamaktum napina nac xpusiculan tzincun y nalihuayana amá tahuá huantú aya lïlakachixcuhuicanit, y para ucx-ilhmán chatum cristiano huantí acu tzucunit lipahuán Cristo, xalán nalacpuhuán pi na tlän nahuay amá tahuá. ¹¹ Tamá cristiano tlahuámaj nahuán talakalhín porque ni luu xpuhuajnica huama, y huix malaktzanképat nahuán amá cristiano huantí na palacaninit Cristo nac cruz.

¹² Y acxní huixinín akatiyuj całlahuayátit nac xtacanajlatcán amäkohl huantí xlajua xtacanajlatcán y camacastalayán huantú tlahuayátit o huay huantú na huayátit, pus huá Cristo mak-lakalhipátit. ¹³ Huá chuná aquit ccalihuaniyán, cumu para caj xpälacata quintahuá huantú cli-huayán ccalilactlahuaniy xtacanajlatcán xamaka-pitzín huantí na talipahuamputún Cristo y akatiyuj ccatlahuay, mejor tlän nahuán pi niaj necxni cactíhuahli lïhua laquí ni naccalactlahuahuaniy xtacanajlatcán xamakapitzín cristianos.

9

Pablo liscujma huantu Jesús limapeksinit

¹ Aquit tlən ccalimapeksiyán huantu huixinín militlahuatcán porque huá mən quintasiyuninít Jesús y quilimapeksinít nacltaxtuy xapóstol laqui tancs naclichuhuinán xtalakalhamanín; y huixinín tlən malulokátit pi xlicana huá clacscujnima porque huixinín aya lipahuanátit Jesús cumu aquit ccalimakalhchuhuinítán.

² Lhuhua huanti ni tacanajlay para aquit luu quilacsacnít Jesús laqui xapóstol nacuán y naclichuhuinán xtachuhuín, pero huixinín tlən malulokátit porque stalanca catziyátit pi huák quilacata masqui chú lipahuanátit Jesús y chuná stalanca tasiyuy pi xlicana aquit xapóstol.

³ Aquit chiné ccakalhtipaxtoka xlihuák amakolh huanti quintaaksán, quintalakmakán y ni quintalimacán cumu la apóstol: ⁴ ¿Apoco ni lakchán caj chunatá naquintatahuayán xlihuák huanti aquit aya ccalimakalhchuhuinít xtachuhuín Cristo? ⁵ ¿Pi ni quimininiy cahuá nackalhiy chatum quimpuscat huanti acxtum nactatapeksiy y nactaán latachá nícu, chuná cumu la takalhiy xpuscātcán xamakapitzín apóstoles chu Pedro? Xlicana pi na chuná quililtláhuat, pero huata aquit nichuná ctlahuama. ⁶ Aquit chu Bernabé ni quincamininiyán nacmakscujáhu laqui natasiyutílhay huantu nacuayáhu, pero huixinín stalanca catziyátit pi chuná ctlahuamanáhu. ⁷ ¿Apoco para chatum chixcú an makscuja litropa ni xokonicán xtahuá acxní

para nícu macancán? Nachunalítum huánti chan xáhuat, glácu pi man liscuja y ni huay xatlakbla o líhuayán xacuxi? Y para chatum chixcú kalhiy lhuhua huácac y huák camakchita, apoco ni huay xaleche? ⁸ Y huixinín nitu tipuhuanátit para caj xmánuá clacsacxtuma huántu quecstu clacpuhuama xlacata pi xlíhuák huántu naliscuja chatum chixcú huá luu nalihuayán, porque hasta nac xlimapeksín Moisés huántu titzokli, ⁹ chuná cumu la tilimapéksilh chiné huan: “Ni camakankanu bozal tamá mintakalhín huantu máscujúpat malacpjápat mintrigo, huata camaxqui quilhtamacú pi cahuáyalh.” Pero ni nalacpuhuanátit pi umá xtachuhuín Dios huamputún pi Dios caj luu xmánuá calitaakatzankeý amakolh takalhín huántu camascujucán, ¹⁰ sinoque aquinín luu quincalitaakatzankeýán. Chuná ccáhuaniyán porque umá xlimapeksín Dios quincamáxquicanitán laquí naquincalimacuaniyán xlíhuák aquinín cristianos huánti tlahuamanáhu para túcuya tascújut. Porque nachuná aquinín cumu la amá takalhín huántu málakponkanicán tíyat antanícu nachananancán o amá takalhín huantu matiyicán huántu aya namakalacán cuxi acxtum quincamininiyán nalacpuhuanáhu pi canacaj acatzunín naquincamáhuicán amá tamakalán huantu makliscujmanáhu. ¹¹ Pus cumu aquinín cchanitáhu nac minacujcán xtachuhuín Dios, apoco ni quincamininiyán xlacata pi huixinín naquilamaxquiyáhu canacaj acatzunín huántu naclihuayanáhu uú nac caquilhtamacú? ¹² Para huixinín camaktayayátit xamakapitzín huánti

calimakalhchuhuiniyán xtachuhuín Dios, pus
atzinú aquinín ckalhijyáhu derecho xlacata
naquilatahuayanáhu y naquilamaktayayáhu.

Pero mäsqui stalanca ccatziyáhu pi
chuná quincalakchanán nipara maktum caj
luu chunatá xaccämäakatzankén xlacata
naquilatahuayanáhu para ni naccaxokoniyán,
aquinín cpaxcatlenáhu y chapaxuhuana
cmakscujáhu laqui nacmakuayanáhu, chuná
ctlahuayáhu laqui nipara chatum tícu
nalitaaklhuhuiy y niaj nalipahuán amá laktáxtut
huantu mälacnuy Jesús huantu aquinín
cliakchuhuinanáhu. ¹³ Huixinín catziyatit pi
xlihuák huanti tatlahuay xtascújut cura nac
lanca pusiculan xalac Jerusalén huá talihuayán
huantu mastokcán antá porque Dios chuná
calimakxteknít, y acxní talakachixcuhuinán
judíos xlihuák amäkohl lactzu takalhín huantu
antá camaknicán laqui nalilakachixcuhuicán
Dios xlacán tlän natalihuayán. ¹⁴ Y nachuná chü
limapeksinanit Quimpuchinacán Jesús pi huanti
taliakchuhuinaniy xtachuhuín huá natalihuayán
amá actzu tumín huantu natamastay huantu
natacanajlaniy xtachuhuín. ¹⁵ Mäsqui xlicana
ccatziy pi chuná quilitláhuat, aquit necxnicú
chuná ctlahuama, y necxnicú túcu ccasquinimán
para huantu naquilimacuaniy, y na nipara
huá ccalitzoknimán eé tachuhuín laqui chü
naquilamäxquíhu huantu cmaclacasquima.
¡Huata cmatlantiy mäsqui cactzincstamákalh pero
ni cactimatajinalh xpälacata nacliakchuhuinan
xtachuhuín Dios!

¹⁶ Ni napuhuanátit para caj clilacataquínán

o luu talipahu quimaklhcatzicán acxní clichuhuínán xtachuhuín Quimpuchinacán Jesús; huata aquit luu stalanca ccatziy pí xafuerza nacliakchuínán porque xlá chuná quilimapeksinit. ¡Y paxcatacú ctihuán para pi ni xaciakchuhuínalh eé lipaxúhu xtamacatzinín huantú māstay laktáxtut! **17** Para luu caj quecstu quintapuhuán ckalhiy lata clichuhuínán xtachuhuín Cristo xlicana xlá pi huá Cristo naquilakalhamán y naquimaxquiy quintaskahu huantú quilakchán; pero cumu aquit stalanca ccatziy pi ni luu quiampútut sinoque huá Dios quilimapeksinit, xafuerza pi nacmakan-taxtiy quintascújut. **18** Aquit ni cskahualama lata cliakchuhuínán xtachuhuín Dios pero huá quintaskáhu ctlahuay umá quintapaxuhuán lata ccalimākalhchuhuínij cristianos, xahuachí nipara chatum tícu csquinima huantú aquit cmaclacas-quín māsqui xlicana pi chuná quilakchán caj cumu huá cliakchuhuínán eé xtachuhuín Dios.

19 Māsqui xlicana pi nipara chatum tícu caquin-tiaktlakahuácalh nac quintascújut, pero aquit luu chapaxuhuñaq ccaliscuja latachá tícuya cristianos laquí huák natalipahuán Jesús. **20** Acxní clama nac xlakstipancán judíos huantí talismaninit tamakantaxtiy lata túcu lactzu lactzú limapeksinanit Moisés laquí nalilakachixcuhuicán Dios, aquit nachuná ctzaksay ctlahuay huantú xlacán tatlahuay laquí xlacán nataucxilha pi aquit ni ccalakmakán y chuná ątzinú lhuhua huantí natalipahuán Jesús, māsqui xlicana pi aquit ni huá luu quilimākantáxtit xlimapeksín Moisés cumu lā xlacán tatlahuay. **21** Y acxní clama nac xlaksti-

pancán huanti ni judíos y ni talismaninit tamakan-taxtiy xlimapeksín Moisés, aquit náchuná clak-tzaksay ctlahuay huantu xlacán talismaninit tatla-huay laquí natacatziy pi ccalakalhamán y chuná atzinú lhühua huanti natalipahuán Jesú, mäsqui xlícaná pi aquit ankaliñá huá ctlahuay xtapa-xuhuán Dios porque huá cstalanima xlimapeksín Cristo. ²² Acxní clama nac xlakstipancán huanti ninaj tlhueke takalhiy xtacanajlatcán, aquit cca-masiyuní pi quilá ctlahuay xtaxlajuanitcán laquí chuná tlän lihuana nataakañksa huantu naccalimakalhchuhuiniy. Lata nícu can aquit chuná clatamay laña lácu xlacán talismaninit chatum chatum laquí chuná huí tì naquintakaxmatni-putún acxní naccalixakatliy Cristo y natalipahuán. ²³ Huá chuná clitlahuay laquí tlän naccamaca-tzinij xlíhuäk cristianos pi Cristo acxtum cälak-mäxtuputún y náchuná chú aquit acxtum naccatapaxuhuay huanti natalipahuán.

²⁴ Huixinín catziyátit pi acxní talatlajay laka-huasán aver xatícu tlak palha kosnún, luu lhühua huanti takosnún xlacata pi ná tatayaniputún, pero caj xmän chatum huanti tayaniy y maxquicán trofeo; pus náchuná chú huixinín calitaxtútít acxtum cakosnúntit xlacata pi natayaniyátit nac milatamätcán y namaklhtinanátit mintrofeojcán huantu nacamaxquicanátit. ²⁵ Amäkolh laka-huasán huanti cahuanicanit xlacata natalatlajay para xatícu tlak palha kosnún, xlacata natata-yaniy lhühua huantu talakmakán ni tatlahuay o ni tahuay huantu camaxlajuaniy nac xmac-nicán mäsqui xlacán luu stalanca tacatziy pi caj actzu trofeo xla licán o akatzu xánat nacamax-

quicán para natayaniy y ni makas quilhtamacú xneka y laclakoy; pero aquinín catziyáhu pi nectnicú catilákspatlí amá huantú Cristo naquinca límashahuiyán para ni taxlajuaniyáhu lipahuanáhu y liscujniyáhu xtachuhuín. ²⁶ Caj huantú aquit quillacata ccatziy lata ckosnuma y tancs ccatziy xanicu ccháma nac quilatámat, nitu caj lakahuiti ckosnuma o lakahuiti ctatlancanima huata huak ccatziy lácu cámaj chan. ²⁷ Huá xpalacata luu juerza ctlahuaniy ckosnún masqui xlicana pi aya tlakuanit quimacni laqui ni nactatlajiy y ni ahuatá nactayayachá aquit huantí ccamasiyúnih xamakapitzín cristianos lata lácu akstítum natalatamay y natalipáhuán Cristo nac xlatamátcán.

10

Dios ni lacasquín nalakachixcuhuiyáhu tzincun

¹ Natalán, nitu tipatzankayátit xlacata pi xalakmakán quilitalakapasnicán judíos, Dios cámacamínih aktum puclhni antanícu xlacán xtatiijitlahuamáñalh acxní xtatzalamáñalh, laqui huak natacatziy pi xcámkatakálhma, y caj xpalacata cumu xlá xcámkatayama tlán tapatácutli amá pupunú huantú huanicán Mar Rojo. ² Cumu huá Moisés xcapuxcuninít xlihuak huantí akmilij catláhuall amá puclhni y huantí tapatácutli amá pupunú, quitaxtuy pi Dios chuná xlimálulokma pi chú xlá xlíankalhíná xpuxcucán nalitaxtuy latachá nícu nacapulalén amá puclhni. ³ Huak pulactumá tahuá xtalihuayán huantú Dios cámáx-quilh acxní xtalapulay nac desierto. ⁴ Y acxní xtakalhpuyí acxtum xtalikotnún amá chúchut

huántu Dios xcámaxquiy, porque xlicana pi huá Cristo ankalhiná xcatalapulay lañachá nícu y huá xlítaxtuy amá lanca chíhuix antanícu xmusnuntaxtumachi chúchut. ⁵ Pero mäsqui Dios luu xcalakálhamán lhuhua judíos ni tapaxcatcatzínih caj xpálacata huántu xlá xtlahuay xpálacatacán y huántu xcámaxquiy, huata huántu nítlán tatlahualh, huá xpálacata Dios calimákxtekli pi catalacnítámalih nac amá lanca dëserto.

⁶ Xlihuák huántu xlacán cäakspúlalh aquinín na quincalimacuaniyán laquí nítu timacastala-yáhu y na nalakatiyáhu natlahuayáhu huántu nítlán chuná cumu lá xlacán tzúculh tatlahuay huantú ni xlitlahuatcán xuanit. ⁷ Y nítu tilakachixcuhuiyátit tzincun chuná cumu lá xlacán titalakachixcuhuichá, porque chiné tatzoknít nac likalhtahuaka: “Xlihuák judíos tzúculh tamapaxcuajniy tantum tzincun laquí natahuayán y natakota, acalistán lhuhua huántu tzúculh talipaxuhuay.” ⁸ Ni calacpuhuántit xlacata natlahuayátit huántu lixcájnit talakalhín cumu lá xlacán titatlahuachá acxní makapitzín lacchixcuhuín chu lacchaján acxtum talalimakapaxúhualh xmacnicán, pero Dios camapatínih y aktumá quilhtamacú tánílh lihuacay puxamatatu milh cristianos huánti chuná tatláhualh. ⁹ Xahuachí necxnicú cahuántit para nítlán huántu camaxquiyán Dios ni catalalacataquítit cumu lá xlacán tataatlahuachá, poreso Dios calimacamínih lhuhua huántu cáxcalh y lhuhua tánílh. ¹⁰ Nachunalítum ni mari camakskalátit Dios y ni cahuántit para xlá ni camaxquiyán xlihuák huántu huixinín maclasquinátit chuná cumu lá xlacán titalahanichá,

por eso Dios limacámilh chatum ángel y cámáknih huantí caj xtatalancaniy.

11 Xlihuak huantu caakspulanitanchá xalak-makán quilitalakapasnicán líhuana tzokuilicanít nac likalhtahuaka laqui naquincalimacuaniyán, y acxni nalikalhtahuakayáhu aquinín huantí lamáñáhu la calacchú quilhtamacú nacatziyáhu pi ni chuná quililacataquinatcán cumu la xlacán talacataquínalh y tatlahualh huantu ni lakátilh Dios. **12** Huá xpápacata ccálihuaniyán pi huantí maklhcatziy pi akstítum lama y niaj kalhiy xtalakalhín, pus luu cuentaj catlahuátit xlacata niaj natamokostayay cumu la tamokostáyalh xlacán. **13** Xáhuachí líhuana cacatzítit pi nac milatamatcán ni caticalakchín pulactum tatzaksán huantu nílay tayanicán, huata capaxuhuátit porque xlicana pi Dios nacámaktayayán acxní nacalakchinán latachá túcuya tatzaksán laqui huixinín natayaniyátit.

14 Natalán, aquit luu ccalakalhamanán y cumu aquit ni clacasquín xlacata pi nacatzaksacanátit luu ccalimáqatzankeyán xlacata pi ni lakxtum cacatalátit huantí talakachixcuhuiy tzincun. **15** Aquit ccatziy pi huák akataksátit huantu ccáhuanimán poreso huixinín tlán nahuanátit para tlán o nítlán huantu ccalimakalhchuhuinimán. **16** Porque acxní acatzunín huayáhu amá xatachitni uva huantu Dios quincasiculanatlahuaniyítán, xlicana pi huá xkalhni Cristo huamáñáhu y acxtum taatalakxtumiyáhu; nachuna litum acxní lakchekeyáhu caxtilánchahu,

paxcatatziniyáhu Dios y macatum huayáhu, xlicana pi huá xtiyatlihua Cristo huayáhu y chatumá litaxtuyáhu. ¹⁷ Masqui xlicana pi luu quilhuahuacán huantí lipahuanáhu Cristo pero chatumá litaxtuyáhu porque mactumá caxtilánchahu huayáhu huantú lilakachixcuhuiyáhu Dios.

¹⁸ Huixinín ná luu cuentaj catlahuátit huantú tatlahuay judíos acxní tamakniy tantum takalhín laquí natalilakachixcuhuiy Dios acxní lakchán xpaxcuajcán xla taakspuntzalín, y xlíhuák huantí tamakuay amá lihua quitaxtuy pi ná cumu la chatumá talitaxtuy acxní chuná talilakachixcuhuijnán. ¹⁹ Caj xpalacata huantú aquit cchuhui-nama ni nalacpuhuanátit para tamakoh tzincun y tamá lihua huantú lilakachixcuhuiján takalhiy litlihueke. Ni huá cuaniputún porque aktum tzincun nilay túcu tlahuay y amá lihua huantú lilakachixcuhuiján caj chunatá lihua cumu la catuhuá lihua. ²⁰ Pero acxní chatum cristiano huantí ni lipahuanáhu Dios makniy xtakalhín laquí nalilakachixcuhuiy tzincun, masqui xlá ni catziy pi chuná tlahuama xlicana pi huá akskahuiní lakachixcuhuiy, huá xpalacata ccalihuaniyán pi ni cacapektanútit huantí chuná talamánalh. ²¹ Huixinín huantí aya lipahuanátit Jesú斯 nítu tilikamána-nátit Dios para ucu nalikotnunátit xatachitni uva huantú lilakachixcuhuiyáhu Dios y ná nalikotnu-nátit huantú lilakachixcuhuiján akskahuiní. Ná tlahuayátit talakalhín para ucu nahuayátit caxti-lánchahu huantú lilakachixcuhuiyáhu Dios y ná nalimakuayamparayátit amá tahuá huantú lilakachixcuhuijanít tzincun.

22 ¿Apoco caj likamán maxtuputunáhu Dios? Quitaxtuy pí caj lacataquimanáhu, ¿lácu pí atzinú aquinín tlak kalhiyáhu litlilhueke nixachuná xlá y ni caquinticamapatiñín?

Nitu titlahuayáhu huantü nacalactlahuayahuaniy xtacanajlatcán xamakapitzín

23 Xlicana amá tachuhuín huantü huancán xlacata pí chatum cristiano tlán natlahuay latachá túcu nalacpuhuán. Xlicana pi chuná, pero ni xlihuak huantü tlahuayáhu acxtum quincalimacuaniyán nac quintacanajlatcán. **24** Huá xpalacata ccalihuaniyán, ni caj xmanhuá calacputzátit natlahuayátit huantü mas huixinín napaxuhuayátit, huata huá calacputzátit lata lacu tlán namakapaxuhuayátit y nacamaktayayátit xamakapitzín cristianos.

25 Xlihuak lihua huantü stacán nac pustán para pimpátit tamahuayátit pus ni cakalhasquininántit para pi lilakachixcuhuicanit tzincun o nitu lilakachixcuhuicanit, huatiyá pi quilhpaxtum catamahuátit y cahuátit. **26** Porque xlihuak huantü anán nac caquilhtamacú Dios huak catlahuanit laqui naquincalimacuaniyán.

27 Para chatum chixcú huantü ni lipahuán Dios kalhiy tapaxuhuán xlacata nacatlahuayanán nac xchic y nakalhachixcuhuiyátit, pus capitít y quilhpaxtum calihuayántit huantü nacamajunicanátit, ni akatiyuj calát y ni cakalhasquininánti para pi lilakachixcuhuicanit tzincun amá tahuá huantü talihuapácanti. **28** Pero para chatum huantü antá lacxtum catlahuayamán nacahuaniyán pi tamá lihua lilakachixcuhuicanit

tzincun, entonces ni cahuátit laqui ni akatiyuj nalay amá huantí cahuanín pi ni cahuátit porque xlá canajlay pi talakalhín para huantí talipahuán Dios natahuay. ²⁹ Xlicana pi huixinín ni akatiyuj nalilayátit para nahuayátit tamá lihua porque tancs catziyátit pi ni talakalhín, pero huata luu cuentaj militlahuaticán xlacata ni nacalilactlahuayahuayátit xamakapitzín huanti nichuná tacatziy caj xpalacata huantú tlahuayátit.

³⁰ Ná wijcú tu ccákalhasquimputunán: para áquit cpaxcatcatziniy Dios acxni cway masqui caxatucawá líwat tu quintawacán, ¿túcu xlacata wí ti quintaliaksán, wan pi ni tlán chuná nacway caj xatu catuwa líwat? ³¹ Pus ccawaniputunán pi wí tu tlak xlacasquinca naputzananiyaw. Wá yumá pi acxni para tú nawayátit, usu nakotátit, chu catuwá wántú lactzú lactzú tlawayátit xapúlh mililacapastacatcán para chuná nalimaxquiyátit cacni Dios. ³² Luwa cwintaj natlawayátit tu ccawaniyán pi njuxcxni nalimakaxtakátit pi caj xlacata wantú wixín natlawayátit para tí namalacatijiniyá usu atuyá nalimapuwaniyátit nac xtacanajla masqui wantí lipawán Dios, chu wantí ni talipawán. Chu hasta xaliwacá wantí minatalanincán ti macxtum lakataquilhputayátit Dios nac siculán. ³³ Aquit ni watá chuná ctzaksay la tlán naclatamáy nacllawáy tu cacstulakatiy, wata ankalhín ctzakama nawán lantla tlak tlán naccamawixcaniy amakapitzin nac xlatamátcán. Ctzaksama nawán lantla tlak tlán naccamaktayay amakapitzín nac xtacanajlacán, sámpí ccalakcatzán, chu clacasquín pi taakaputaxtuy.

11

¹ Huá xpälacata ccälihuaniyán, huixinín huá caucxilhiyátit laṭa lácu aquit clama, chuná cumu la aquit cucxilhiyama y ctlahuama cumu la titila-támālh Quimpuchinacán Jesús.

Lu xlacasquinca pi natataaktlapay lacchaján acxní natalakachixcuhuiy Dios

² Aquit luu snūn cpaxuhuay pi huixinín qui-lalacapastacáhu y luu akstítum lapátit nac milatamátcán chuná cumu la quit cticalimakalhchu-huinín. ³ Pero aquit clacasquín naakataksátit pi Dios mapeksiy Cristo y Cristo huá camapeksiy lac-chixcuhuín chuná cumu lá lacchixcuhuín tamá-peksiy xpuscātcán. ⁴ Pero nā milicatzitcán pi limá-xaná quitaxtuy para chatum chixcú ni taakxtunún acxní kalhtahuakay o lichuhuinán xtachuhuín Dios, porque māsiyuma pi macatäxtuca y hasta akapulay huānti xpuchiná. ⁵ Nāchuná quitaxtuy chatum puscat acxní kalhtahuakay o lichuhuinán xtachuhuín Dios para ni taaktlapay pus quitaxtuy pi ni xlicaña cäcninaniy xtakolú huānti mapeksiy. Tamá puscat xtachuná quitaxtuniy cumu lám-para aksitpuxtucanit. ⁶ Pero para chatum puscat ni taaktlapaputún acxní kalhtahuakaníy Dios pus mejor maktum catáksitli. Pero cumu limaxaná namaklhcatziy xlacata pi maktum naaksitpux-tucán, mejor catláhualh huāntu xlá xlitlahuat caj xmān cataaktlápalh acxní kalhtahuakaníy Dios. ⁷ Chatum chixcú ni mininiy nataaktlapay acxní kalhtahuakay porque xlá huá mapeksinán y māsiyuy lácu kalhiy Dios xlacatzúcute. Pero puscat caj xmānhaá xlá lakchán namāsiyuy pi

huá chixcú mapeksinán. ⁸ Calacapastáctit laṭa xamakán quilhtamacú Dios mālactzúquijl Adán, y nac xmacni Adán Dios mālactzuquipá Eva. ⁹ Ni huá chixcú ahuatá tlahuacanit laquí natalamak-tayay nac xlatámat puscát, sinoque huata huá puscát ahuatá tlahuácalh laquí natalamaktayay y natalatamay amá chixcú Adán huánti aya xlamajá. ¹⁰ Pus huá xpälacata chatum puscát xfuerza nataaktlapay acxní lakachixcuhiy Dios nac pusiculan, laquí chuná stalanca namasiuy y pi xlá cäcninaniy xtakolú huánti mapeksiy y xli-huák ángeles luu natalipaxuhuay. ¹¹ Pero huixinín necxnicú tipatzankayátit xlacata pi chuná cumu la chixcú y cumu la puscát acxtum talamaclasquín. ¹² Masqui xlicana pi amá Eva xapulh puscát huá limalacatzuquicanit xtapálúcum Adán, pus ná luu xlicana pi la tachá tícuya cristianos antá talacachín nac xlatamátcán lacchaján, pero luu lacxtum cumu la chixcú xahua puscát huák huá camalacatzuquinít Dios.

¹³ Pus hasta mismo chú huixinín man caqui-lahuaníhu para mininíy nakalhtahuakaníy Dios chatum puscát masqui ni nataaktlapay. ¹⁴ Y xli-huák aquinín catziyáhu pi ni tlán tasiuy y limaxaná para chatum chixcú mālactacay y laclhmán kalhiy xchíxit. ¹⁵ Pero huata luu tlán tasiuy chatum puscát para laclhmán xchíxit porque luu chuná tuncán limaxquicanit xchíxit laqui laclhmán nastaca y tlán naliaktlapay xakxáka. ¹⁶ Para tícu nitlán tlahuay huántu aquit ccálima-kalhchuhuínimán pus aquit niaj quincuenta, y nilay cacticalacaxtlahuán porque xlihuák huánti

clipahuanáhu Jesús latachá nícu ya cachiquín aya clismaninitáhu pi acxní chatum puscat nakalhta-huakaníy Dios xafuerza nataaktlapay.

Pablo ni matlantiy lata takamanantaxtuy acxní talakachixcuhuiy Dios

¹⁷ Pero huilapá túnuj tachuhuín huantü camán cahuaniyán porque ni cmatlantiy, aya quilitakalhchuhuináncalh pi acxní huixinín tamacxtupiyátit xlacata nalakachixcuhuiyátit Dios nitúcu calimacuanimán huata caj lihuaca camałaktzan-kemán. ¹⁸ Huancán pi acxní huixinín tamacxtupiyátit xlacata nalakachixcuhuiyátit Dios matzucuyátit aklhuhuātnanátit y tamputiy taxtuyátit; aquit ccenajlay huantü huancán, ¹⁹ porque ccalakapasán lácu minkasatcán y max huá tamputiy litaxtuputunátit laquí lata lən naaklhuhuātnanátit chuná tlan natasiyuy xatícu luu xlicana talakapassa xtalulóktat Dios y luu xlicana talipahuán. ²⁰ Pero huantü quitaxtuma xlacata huantü huixinín litapajpitziyátit, acxní tamacxtupiyátit laquí macxtum nahuayanátit cumu la Cristo ticatahuáyalh xapóstoles, huixinín niaj chuná tlahuayátit. ²¹ Quihuanicán pi acxní aya pimpátit macxtum huayanátit, makapitzín lalihuán tzucuy tamacapulay y talihuayán huantü man taliminit xtahuajcán, lihuán xamakapitzín huantü tlak laklimaxkenín chunatá talacahuantahuilay niaj tu tamaktaxtuy tahuá, huintí hasta lən talikachiy huantu man taliminit xcuchucán. ²² Huixinín huantü chuná tlahuayátit, ¿lácu pi ni kalhiyátit minchiccán antanícu xuayántit y hasta masqui

xkachítit para luu chuná lakatiyátit? ¿Túcu xpalacata ccalimámaxaniyátit huantí nitú takalhij tu tamaclacasquín? ¿Apoco lacpuhuanátit chú pi luu clakatixníma huantú huixinín tlahuayátit? ¡Lu lacatancs ccahuaniyán pi nípara tzinú cmatlántiy!

Huá lata masiyunít Jesú斯 xlacata nalakachix-cuhuiyáhu

(Mateo 26.26-29; Marcos 14.22-25; Lucas 22.14-20)

²³ Aquit aya ccalimákalchuhuijninitán huantú Quimpuchinacán Jesú斯 man quimasiyuninít lata lácu xlá lacasquín nalakachixcuhuicán, pero camaparán camałacapastacniyán: pi amá tzisní acxní Judas liakskahuínalh y macamástalh xlá macxtum cātatáhui kalhacutiy xapóstoles nac mesa laqui ahuatá nacatahuayán. Xlá tíyah mactum caxtilánchahu, ²⁴ paxcatcatzínih Dios, lakchékelh y chiné cahuánih: “Cahuátit eé caxtilánchahu porque xlicana ccahuaniyán pi huá quintiyatlihua huantú aquit cmacamástay laqui tlán naccalakmáxtuyán. Xliankalhín chuná catlahuapítit naquilalilacapastacáhu.”

²⁵ Acxní chú tahuayankoh, tíyah patum vaso stap xtajuma xchúchut uva, y chiné cahuánih: “Huá umá xchúchut uva litaxtuy quinkalhni huantú ámaj stajtamakán laqui xlihuak nacatzicán pi Dios catatlahuaniitán aktum xasasti talacaxlán, huixinín ankalahín chuná catlahuapítit laqui naquilalilacapastacáhu.” ²⁶ Huá xpalacata lata makatunu huayátit tamá caxtilánchahu y macxtum nalikotnunátit tamá xchúchut uva huixinín ankalahíná limacatzinínampátit

nuhán pi Jesús nilh caj quimpalacatacán, y xliankalhín chuná quililtlahuatzán hasta acxni xlá namimparay.

Akstíum quilíhuatcán caxtilánchahu chu xchúchut uva huantú lilakachixcuahuicán Dios

27 Para chatum chixcú caj catakalkamán namaktalacatzuhuiy laqui namakuay amá caxtilánchahu chu amá xchúchut uva huantú litaxtuy xtiyatlihua y xkalhni Quimpuchinacán Jesús, xlícaná pi tamá chixcu lanca talakalhín tlahuama nac xlacatín Quimpuchinacán porque likamán maxtuma huantú maklhtinalh.

28 Huá chuná ccálihuaniyán pi xlíhuak huantí natamakuaputún tamá caxtilánchahu y talikotnumputún amá xchúchut uva, luu camininiy pulh líhuana catalacapástaclí para tacatziy y tacacninaníy huantú taamánalh tatlahuay. **29** Porque para ni líhuana taakataksa y huatiyá pi na natahuay y ni tataluloka para xlícaná huá xkalhni Quimpuchinacán pus man tahuamámalh huantú natalipatínán. **30** Pus hasta huá xpálaceata cumu ni luu cuentaj tlahuayátit, lhuhua huixinín huantí taxlajuaníyátit, tataatlayátit, y makapitzín hasta aya talaknínit.

31 Pero Dios ni xquincámapatínán para aquinín líhuana xlacapastacui acxni amanáhu huayáhu xtiyatlihua y xkalhni Quimpuchinacán para cacninanímanáhu y lakachixcuahuimánáhu.

32 Masqui xlícaná quincámapatínán Dios aquinín huantí lipahuanáhu Jesús huá chuná litlahuay porque quincalakalhamanán y ni lacasquín para aquinín huá lacxtum

nacatalaktzankatayayáhu amakolh cristianos xala caqUILhtamacú huantí ni talipahuán Dios.

³³ Huá xpälacata ccalihuaniyán pi acxni huixinín natamacxtupiyátit laqui macxtum nahuanátit xlacata nalacapastacátit lácu quincapalacanín Jesús, pus huantú akstítum y lakasiyu catlahuátit, xáhuachí calakalhítit laqui acxtum nahuanátit. ³⁴ Pero para tícu catziy pi natzincsachá pus pulh cahuayantáquih nac xchic laqui Dios ni namapatiñiyán caj xpälacata cumu nacatalahuakoya xtahuajcán y nacamamaxaniya huantí tali-pahuán Jesús. Caj xmán huá huankeymá tastacyahu huantú mililtáhuatcán, porque xamakapitzín taaklhúhuit huantú kalhiyátit antacú naccalimakalchuhuiniyachán acxni naccalakanachán.

12

Tipakatzi tascújut quincamaxquiyán Espíritu Santo

¹ Natálán, aquit clacasquín xlacata pi huixinín lihuana nacatziyátit lata lácu Espíritu Santo camaxquij chátunu cristianos xtascujutcán.

² Huixinín stalanca catziyátit pi acxni niā xlipahuanátit Jesús luu tlakaj xlayátit xlacata nacatziyátit huantú mililtáhuatcán nac milatamatcán y huá xquilhchipiniyátit amakolh tzincun huantú xcälakachixcuhuiyátit, pero cumu xlacán ni tastacnán huixinín caj xtaakskahuitapayátit. ³ Pero cumu lanchú huatiyá lipahuanátit Quimpuchinacán Jesús aquit ni clacasquín para amaktum nataakska-huiparayátit. Lu milicatzitcán pi nipara chátum chixcú catimalacpuhuánilh Espíritu Santo xlacata

chiné nahuán: “Nipara tzinú limacuán Jesús”, y natzucuy liikalhkamānán. Nāchunaliútum nipara chātum chixcú catimálulokli y nahuán: “Jesús huá Quimpuchinacán huānti lama xastacná”, para ní huá mālacpuhuānimá Espíritu Santo y talama nac xlatámāt.

4 Nā luu milicatzitcán pi lata chātunu cristianos tipakatzi liskalala takalhiy, pero māsqui chuná chātumá Espíritu Santo huānti cāmaxquiniit.
5 Māsqui xlīcāna pi lata chātunu cristianos tipalhuhua takalhiy xtascujutcán pero huāk chātumá Quimpuchinacán huānti lacscujnimānáhu.
6 Nāchunaliútum lata chātunu cristianos tunuj túnu quincāmaxquicanitán litlihueke laqui lhuhua huāntu tlān natlahuayáhu, pero chātumá Dios huānti quincāmalacpuhuāniyán xlacata pi chuná natlahuayáhu. **7** Lata chātunu cristianos, Dios cāmaxquiy latachá túcuya xliskalala Espíritu Santo laqui nacālimacuaniy xāmakapitzín cristianos. **8** Huá tamá Espíritu Santo huānti makapitzín cristianos cāmaxquiy xatlán talacapastacni laqui tancs natamākalhchuhuiñiy xtacristianoscán, y makapitzín cāmaxquiy liskalala laqui lhuhua huāntu natacatziy y natalakapasa. **9** Huintí cāmaxquiy Espíritu Santo lanca tacanájlat laqui xāmakapitzín nataucxilha pi Dios mastay lata túcua nasquiniya, y makapitzín cāmaxquiy xlitlihueke laqui tlān natamatlāntiy latachá túcuya tajátat. **10** Makapitzín cāmaxquiy litlihueke xlacata natatlahuay laclanca licácnit tascújut, nā makapitzín cāmaxquiy liskalala laqui tlān nataakataksa y tancs

nalichuhuinán huantu xtalacapastacni Dios, natunuj lítum chú huanti camaxquiy liskalala laqui natacatziy xatícu xlícana huá macatziny Dios xtalacapastacni xlacata nalichuhuinán, y xatícu caj taaksaninán acxni tahuán pi lichuhuinán xtalacapastacni, makapitzín lítum camaxquiy liskalala xlacata natalichuhuinán aktum sasti tachuhuín huantu nipara chatum tícu akataksa sinoque caj xman huá Dios, pero na camaxquiparay liskalala makapitzín laqui natamá lacaputuncuhuiy huantu huaniputún amá sasti tachuhuín huantu likalhtahuakanícalh Dios. ¹¹ Masqui xlícana pi tipalhuhua tascújut huantu chatunu chatunu kalhiyáhu pero chatumá Espíritu Santo huanti quincamaxquiyán, xlá quincamaxquiyán huá xanícuma lacpuhuán pi a^ztinú naquincalimacuaniyán.

Xlihuak huanti lipahuanáhu Jesús chatumá litaxtuyáhu

¹² Cumu la huixinín catziyátit pi xmacni chatum chixcú luu lhuhua lactzu lactzu huantu lilaknu y pero huak acxtum talimacuamánalh laqui lipaxúhu nalatamay amá chixcú, pus nachuná chú aquinín huanti lipahuanáhu Cristo chatumá litaxtuyáhu. ¹³ Masqui xlícana pi quilhuhuacán porque huintí judíos y huintí ni judíos, makapitzín castacanit camaescujumácalh cumu la tachín, y makapitzín niti camapeksiy akatziyanca talamánalh, pero cumu acxtum canajlayáhu y litaakmu-nunitáhu Espíritu Santo porque huak kalhiyáhu xlíthueke y quincatalamán nac quilatamatcán.

¹⁴ Porque cumu la aya tihuanáhu pi xmacni chatum chixcú lhuhua lata lactzú lactzú huantu lilaknuý, y nícaj púlactumá, ¹⁵ y para tantún chiné xuá: “Aquit ni antá cmaktepeksiy nac xmacni eé chixcú porque aquit ni macán”, tancs cca-huaniyán pi masqui xlá chuná xuá nipara huá xlitatunuji porque xlicana pi luu antá makta-peksiy nac xmacni amá chixcú. ¹⁶ Náchuná para huá takén xuá: “Aquit ni antá cmaktepeksiy nac xmacni eé chixcú porque aquit ni lakastapu”, xlicana pi masqui chuná xuá nipara huá chú xlitatunuji. ¹⁷ Porque para xlílanca xmacni chatum chixcú huák lakastapu xuá, nitú xuá huantu xlíkáxmatli. Náchunalítum para xlílanca xmacni chatum chixcú huak takén xuá, entonces nitú xuá huantu xlíkankahuánalh. ¹⁸ Pero Dios lihuana cacaçuiñit lata pulacatunu xala quimac-nicán laquí naquincalimacuaniyán y antanícu xlá mas lacpúhua pi tamaclacasquín. ¹⁹ Porque para lata quililancacán huák tantún xuá y nitú xuá xamakapitzí xalac quimacnicán nílay xlata-máhu. ²⁰ Masqui xlicana pi pulaclhuhua lata lactzú lactzú huantu lilaknuýáhu ná luu pulac-lhuhua huantu calimapacuhuicán, pero lacatumá nac xmacni amá chixcú antanícu tamaktepeksiy.

²¹ Porque xlakastapu chatum chixcú nílay catihuánilh xmacán: “Aquit nitú quilimacuaniya”; ná nipara huá akxáka catihuánilh xtantún: “Nipara tzinú ccamaclacasquinán.” ²² Huata huá amakolh huantu nipara tzinú laclicana xalac quimacnicán atzinú camaclacasquináhu. ²³ Lata pulacatunu huantu kalhiyáhu nac quimacnicán y hasta masqui huantu lacpuhuanáhu pi nitú

quincalimacuaniyán, pero acxtum luu cuentaj catlahuayáhu; y amá huantü lacpuhuanáhu pi ni luu tlän tasiyuy para cälakuán natasiyuy, pus lihuana qalitlapayáhu quihakatcán. ²⁴ Pero na huilapá makapitzín nac quimacnicán huantü ni lihuana cäcaxyahuayáhu porque chuná tuncán tlän tasiyuy. Huá Dios chuná caxtlahanuit quimacnicán laqui acxtum naquincalimacuaniyán y namaktakalháhu. ²⁵ Dios lacaſquín pi nipara pulactum xalac quimacnicán caj tunu nataxtuy sinoque acxtum nalqaklhuán y nalamktayay. ²⁶ Para pulactum xalac quimacnicán catzanajuama, xlihuák quilitantuminicacán talipuhuán caj xpálacata huantü akspulama pulactum. Nachunalítum para pulactum xalac quimacnicán huantü xtakahuiñit cuentaj tlahuamácalh y cuchimácalh, xlihuák xamakapitzín acxtum tlän tamakpaxuhuay.

²⁷ Huá chuná ccalihuaniyán porque huixinín litaxtuyátit xmacni Quimpuchinacán Jesucristo, y lata chatunu chatunu huixinín huá tapeksiniyátit. ²⁸ Xlihuák huantü talipahuán Jesús, Dios cámáxquinít tunuj tunu xtascújut huantü xlá catziy pi mas tlän nacalimacuaniy y nacalimaktayay xamakapitzín. Xapulh tahuilánalh apóstoles huantü Jesús calácsacli laqui nataán talichuhuinán xtachuhuín; xlipulactiy tahuilánalh profetas huantü Dios camácatziniy xtalacapastacni chu huantü laclhcahuilinit natlahuay laqui xlacán tlän huá nacalimacatziniy xamakapitzín; xlipulactutu tahuilánalh mäkalhtahuakenanín huantü tlän tamalacaputuncuhuiy huantü

huaniputún xtachuhuín Dios; acalistán chú tahuilánalh huantí tlán tamatlantiy tatatlanín; makapitzín náchuná tahuilánalh huantí tlán tatlahuay laclanca lícácnit tascújut; xahuá huantí takalhiy xtascujutcán tamaktayay limaxkenín; chu huantí tlán tapuxcuniy cristianos; xahuá huantí camaxquicanit litlilhueke laqui natachuhuinán amá tachuhuín huantú caj xmán huá Espíritu Santo machuhuinínán. ²⁹ Pero milicatzitcán pi ni xlihuak calilacsaccanit xlacata apóstoles natahuán, na ni putum camaxquicanit liskalala xlacata natalichuhuinán xtalacapastacni Dios, ni xlihuak makalhtahuakenanín, na nipara xlihuak tlán tatlahuay laclanca lícácnit tascújut. ³⁰ Náchunalitum ni xlihuak camaxquicanit litlilhueke laqui natamatlantiy tatatlanín, na ni xlihuak tachuhuinán amá tachuhuín huantú Espíritu Santo machuhuinínán, y na ni xlihuak taakatäksa y tamalacaputuncuhuiy huantú huaniputún amá tachuhuín huantú machuhuinínán Espíritu Santo. ³¹ Pero huixinín calacputzátit nakalhiyátit amá liskalala huantú mästay Dios pero caj xmánhuá huantú atzinú calimacuaniy xamakapitzín.

Pero chú aquit camán camasiyuniyán huantú luu camininiyán nakalhiyátit y huantú luu atzinú nacamaktayayán nac milatamätcán.

13

Huantí ni paxquinán nitú limacuaniy xlatámat

¹ Para aquit tlán xacchuhuínalh tipakatzi xtachuhuincán cristianos y hasta mäsqui xacakätäksli xtachuhuincán ángeles, pero para ni xacká-

lhilh tapaxquit huantu Dios mastay nitúcu qui-limacuaniy, luu xtachuná xaclitáxtulh cumu la-tú marí macasanán licán. ² Nachunalitum para aquit lihuana xacakátaksl*i* xtalacapastacni Dios y tancs xaclichuhuinalh huantu xlá xtapaxuhuán, y masqui huak xaccátzilh xlihuak huantu xlá lac-lhcáhuilinit, hasta masqui xackálhilm*i* lanca tacanájlat huantu tlan xaclimalácxijli lanca kestín, pero para ni cpaxquinán nitu quilimacuaniy. ³ Masqui xaccamáakpitzínih laklimaxkenín xli-huak huantu ckalhiy xtapalh tumín, y hasta masqui xacmacamástalh quilatámat laqui xquilh-cuyúcalh xastacná, pero para ni huá clítlahuay caj xpápacata cumu paxquinán pus nitu limacuán huantu xactláhuah.

⁴ Porque huantu xlicana cpaxquinán ni lixcáj-nit licatziy, huata paxuhuana paxcatlén para túcu nitlán tlahuaniy xtacristiano; ni xapilhi, ni lacataquínán, na nípara luu talipahu maklhca-tzicán, ⁵ ni lixcájnit kalhchuhuinán; ni calakca-tzalacaniy huantu takalhiy xtacristianos; ni xasitzín; ni camalakxokeputún para túcu nitlán tlahuaniy xtacristiano. ⁶ Huantu xlicana paxquinán ni lipaxuhuay para túcu nitlán akspulama xtacristiano, sinoque huá lipaxuhuay huantu akstítum y huantu xtalulóktat. ⁷ Huantu xlicana capax-quiy xtacristianos, masqui laña túcu nitlán natlahuanicán latiyá paxquinán paxuhuana napatiy; ni lacpuhuama para naakskahuicán acxni túcu huanicán, y paxuhuana kalhkalhiy huantu malac-nunicanit, y para huantu kalhkalhima nichuná quitaxtuma nac xlatámat eé cristiano latiyá paxquinán paxuhuana napatiy.

8 Amá tapaxquit huántu Dios quinamaxquinítán xlacata nalalipaxquiyáhu, neçxnicú catilákspatl porque xlíankálhín maclacasquináhu, masqui xlicána ámaj chan quilhtamacú acxní niaj xlacasquinca nahuán para Dios naquincamaxquiyán xlískalala xlacata tlán naliakchuhuinánáhu xtachuhiún o para tlán nalichuhuinánáhu amá tachuhuín huántu caj xman Espíritu Santo machuhuinínán, o para naquincamaxquiyán para túcuya xlískalala laquí nacalimakalhchuhuiniyáhu cristianos xtalacapastacni Dios. **9** Porque xlíhuak amá liskalala huántu talichuhuinán amäkolh huánti taliakchuhuinán xtachuhiún Dios ni xaaccán, porque quincatzankaniyán xlacata nalakapasáhu huántu luu xtalacapastacni Dios chu huak huántu laclhcahuilinit. **10** Pero xlíhuak huántu lanchú lakapasáhu umá actzú talacapastacni ámaj laksputa acxní lihuana nalakapasáhu huántu luu xlicána xtalulóktat y akstíum.

11 Acxní aquit actzú kahuasa xacuanit, xackalhchuhuinán, xaclacapastacnán y chuná xaclama cumu la actzu kahuasa, pero acxní chú lihuana cchixcuhuílalh niaj chuná ckalhchuhuinalh o clacapastácnalh cumu la acxní cajcu actzú kahuasa xacuanit. **12** Xtachuná chú aquinín huánti lipahuanáhu Jesús, lihuán uú lamänáhu nac caquiltamacú ni lihuana lakapasáhu tícu Dios, caj xta-chuná quitaxtuy cumu la a caquincalacaucxilh-canchán nac espejo. Pero lakcháma quilhtamacú acxní luu lihuana nalakapasáhu laña lácu xlá luu tasiyuy xastacná. Masqui xlicána pi laná clakapasa xtalacapastacni, pero niä luu lihuana

clakapaskoy, pero chāma quilhtamacú acxní luu lihuanā naclakapasa Dios chuná cumu lā xlá qui-lakapasa aquit.

¹³ Pūlactutu anán huant̄u ankalhīná quili-kahitcán nac quilatamatcán: xapulh̄ xlacata pi cakalhīnh̄u tacanájlat Dios pi xlá quincamakta-yayán, xlipulactiy xlacata pi ankalhīná cakalhka-hitahuiláhu huant̄u xlá acalistán naquincamāx-quiyán, y xlipulactutu xlacata pi nakalhiyáhu tapaxquit. Masqui xlīcāna pi pulactutu huant̄u quincaminiyán namakantaxtiyáhu huata caj xmān pulactum huant̄u luu ątzinú limacuán, huá tapaxquit.

14

Huant̄i lichuhuinán túnuj tachuhuín ni camaktayay huant̄i takaxmatmánalh

¹ Canecxnicahuá huixinín calacputzátit lāta lácu lipaxúhu napaxquinanátit, pero nā calilakaputzátit xlacata pi Dios nacāmaxquiyán xlīskalala lāqui tlān namakantaxtiyátit xtascújut nac milatamatcán, y huá casquinítit amá līskalala huant̄u ątzinú nacāmaktayayán lāqui tancs naliakchuhuinanátit xtalacapastacni chu xtapaxuhuán. ² Porque huant̄i lichuhuinán amá túnuj tachuhuín huant̄u Espíritu Santo malacpuhuaniyán caj xmān huá Dios lilakachix-cuhuiy porque nípara chātum chixcú akataksa huant̄u xlá huan. ³ Pero huant̄i tlān talakapasa y talichuhuinán xtalacapastacni Dios xlīcāna pi luu tamāqakataksniy xāmakapitzín xtapaxuhuán nac xlatamatcán y tamāqakuhanatiy lāqui

lihuaca tancs natalipahuán. ⁴ Xlicána pi amá huanti lichuhuinán tachuhuín huantú caj xmán huá Dios lilakachixcuhicán caj luu xmán huá sacstu xtacanájlat limatlihueklhma, pero huanti lakapasa xtachuhuín Dios y calimakalhchuhuiníy xamakapitzín cristianos xlicána pi huata huá luu camaktayama porque camakpuhuantiyanima xlacata akstítum natalipahuán.

⁵ Aquit clacpuhuán pi xlihuak huixinín xchuhuinántit amá túnuj tachuhuín huantú caj xmánuá Dios lilakachixcuhicán, pero huata atzinú xaclipaxúhualh para xlihuak huixinín xcalimakalhchuhuinítit cristianos huantú tancs xtalacapastacni chū xtapaxuhuán, porque huak acxtum taakataksa nixachuná para nalilakachixcuhiyátit túnuj tachuhuín huantú malacpuhuaniyán Espíritu Santo; solamente para huí chatum huanti akataksa huantú huix quilhuámpat laqui nacamalacaputuncuhuiníy xamakapitzín naakataksa y nacalimacuaniy. ⁶ Huá xpápacata ccalihuaniyán pi nitú xcalimacuanín masqui aquit xaccalakanchán y nac milaktipancán xactzúcuhuín lilakachixcuhiy Dios atunuj tachuhuín huantú huixinín ni akataksátit, huata huixinín camininiyán naccalitachuhuinanán talacapastacni huantú Dios quimacatzininit, osuchí naccamalacaputuncuhuiníyán huantú niā lihuana akataksátit xtachuhuín, o chuná para lhuhua huantú xaccalimakalhchuhuiníyán huantú luu xcalimacuanín, o para naccahuaniyán huantú Dios calimascujuputunán.

⁷ Xtachuná cumu la amá lhuhua huantú lit-

laknancán, para líspek osuchí guitarra, para violín o para túcuya lítlakni, para laṭa pulacatunu ni tancs xlitlaknáncalh o tunuj tunu csáñalh ni xcätzícalh túcuya lítlakni māsanímácalh.

8 Na xtachunálitum para acxní lama guerra para huá trompeta ni tancs xmasanícalh chuná cumu lá māsanícán acxní cámamacxtumicán soldados. ¿Lácu chú natatacaxa y nataán talatalay? **9** Pus chuná chú quitaxtuy acxní huixinín lichuhuinánátit atunuj tachuhuín huantú nipara chatum cristiano cákataksniyán, ¿lácu chú natalicatziy xamakapitzín túcu huixinín huanipátit? Luu xtachuná cäquitaxtuniyán cumu lá a cachuhuinampítit nac cäunín. **10** Xlicana pi uú nac cäquilhtamacú luu pulacluhuua tachuhuín anán pero laṭa pulacatunu taakataksa huantí talichuhuinán y calimacuaniy. **11** Pero para aquit ni cakataksa pulactum tachuhuín huantú naquilitakalhchuhuinán chatum chixcú, pus nilay ctakalhchuhuinán huata xala mákat chixcú quili-macán, cumu para xlá nipara huá akataksa huantú aquit quintachuhuín pus ná xalacmákat climacán. **12** Pus cumu huixinín luu lakaṭilacapinátit amá laclanca lítlihueke huantú māstay Espíritu Santo, pus calimqakatzankétit xlacata pi cacamaxquín lacuán talacapastacni chu lískañala pero huantú acxtum nacalimacuaniy xamakapitzín huanti talipahuán Jesús.

13 Por eso ccalihuaniyán pi huantí kalhiy lítlihueke y lichuhuinán tunuj tachuhuín huantú caj xmán huá Dios lilakachixcuhicán pus luu calimqakatzánkelh Dios laqui ná camáxquihl talacapastacni chu lítlihueke

laqui naakataksa huantu quilhuama y tlan nacalimakalchuhuinij xamakapitzin.

14 Porque para aquit ckalhtahuakanima Dios y huá clixakatlma amá tachuhuín huantu malacpuhuañinán Espíritu Santo, xlicana pi quilistacni lakachixcuhuima Dios pero quintalacapastacni niju litaxtuma porque nipara tzinú akataksma huantu clichuhuinama. **15** ¿Túcu chinchú luu quilitláhuat? Xlicana pi xlihuak xlitlihueke quilistacni naclikalhtahuakaniy Dios, pero laqui tlan naccalimacuaniy quintachuhuín huanti na antá takaxmatmánalh luu xafuerza nacakataksa huantu clikalhtahuakanima. Luu xlicana tlan para aquit xacliquilhtlínih Dios atunuj tachuhuín, pero laqui tlan naccamaktayay xamakapitzin xlacasquinca nacakataksa huantu cqUILHTLIMA. **16** Para huix lakachixcuhuípat Dios y likalhtahuakanípat tunuj tachuhuín huantu malacpuhuañinán Espíritu Santo, y para antá lacxtum tälayán chatum chixcú huantu acxtum t^akalhtahuakaputunán, pero nilay catitamalacxtumín xtalacapastacni porque nipara tzinú akataksma huantu huix quilhuámpat. **17** Masqui xlicana pi luu tlan lata huix paxcatcatzinípat Dios y lakachixcuhuípat, pero huanti kaxmatnimán nipara tzinú maktayama nac xtacanájlat xlacata mas akstítum nalipahuán Dios. **18** Caña cpaxcatcatzinij Dios pi aquit tlak tlan lata clichuhuinán atunuj tachuhuín laqui naclilakachixcuhuij Dios nixachuná la huixinin, **19** pero acxní macxtum tahuilánalh huanti talipahuán Jesúz nac pusiculan y acxní ccalimakalchuhuinij xtachuhuín Dios, huata

atzinú cmatlantiy nacchuhuinán cañacaj kampaquitzis tachuhuín huántu líhuana nataakataksa tū ccahuaniputún y nítu limacuán masqui xacuá kampacáhu mílh tachuhuín huántu xacipaxcatcatzínih Dios pero para níticu xakátaksli huántu cuanima.

20 Natałán, nichuná cakalhítit mintalacapastacnicán cumu lá lactzú camán huata caakatákstít eé huántu ccahuanimán; masqui xlicana pi tlán nalitaxtuyátit cumu lá lactzú lakskatán xlacata ni natluahuayátit talakalhín, pero huántu akstítum calacapastacnántit xlacata naakataksátit quintapuhuán cumu lá ti xlicana tacatziy pi aya tastacníttá y takalhiy tancs talacapastacni. **21** Lacatum nac amá libro antanícu tatzoktahuilanit xlimapeksín Dios chiné huan: “Amakolh judíos huánti niaj tzinú quintalipahuán naccamacaminiy xala mákat lacchixcuhuín huánti talichuhuinán tunuj tachuhuín huántu xlacán ni taakataksa laqui juerza cuentaj nacamakahuaniyán huántu aquit clacasquín catacátzilh, pero nipara chuná caquin-titakalhakáxmatli.” **22** Catziyáhu pi acxní Dios camacámilh amakolh lacchixcuhuín huánti xtalichuhuinán huántu nipara chātum xakataksa, huá chuná ltláhualh laqui chuná nacalimalaca-huaniy amakolh judíos huánti ni xtakalhakaxmat-putún lácu lán xamácaj camaapatinicán; pero Dios nichuná calimacatziníy xtalacapastacni huánti talipahuán. **23** Caj luu líhuana calacapastáctit eé huántu naccahuaniyán, para xlíhuak huixinín huánti lipahuanátit Jesús macxtum huilátit y laña chātunu huixinín naikalhtahuakaniyátit tunuj tunu tachuhuín y xalán natanuyachá chātum

huánti caj chunatá anít kaxmata huántu huixinín lichuhuinanátit pero ni cajanajlay, cumu nipara tzinú akataksa huántu quilhuampátit entonces nalacpuhuán pi caj lakahuitipátit. ²⁴ Pero para xlihuák huánti lipahuanátit Jesú斯 macxtum huilátit y huixinín huánti naakchuhuinanátit huá mintachuhuincán nalichuhuinanátit aktum talacapastacni huántu man Dios camaxquinitán, y para xamaktum nacalaktanuyachán chatum chixcú huánti caj chunatá anít kaxmata huántu huixinín huanátit, mismo man naakataksa huántu hunipátit y nacanajlay pi nachuná xlá maklakalhinanit y natzucuy lacapastaca pi nítlán lata lema xalíxcájnit xlatámat. ²⁵ Xlá luu snun nalipuhuán y nakalhapalaniy Dios xlihuák xnacú, hasta nipara tzinú xalitacatzín acxní xlá natatzokostay xlacata nalakachixcuhuiy Dios y luu acxnicú nataluloka pi xlicána cátalamán nac milatamatcán caj xpálcata cumu akátaksli huántu cákalkhakaxmatni.

Pablo lacasquín pi huantu akstítum calakachixcuhícalh Dios

²⁶ Natalán, acxní huixinín tamacxtupiyátit huántu tlán y akstítum calakachixcuhítit Dios laquí acxtum nalamaktayalipinátit nac mintacajanajlatcán. Para tí kalhiy tapaxuhuán y quilhtíputún pus caquíltlilh, o para huí tí lichuhuinamputún huántu Dios macatzininit, nachuná para tícu lilakachixcuhíputún Dios ątunuj tachuhuín, pero tunu huánti camálacaputuncúhuílh huántu huaniputún ąmá tachuhuín laquí huák nataakataksa huántu huanima. ²⁷ Pero para tícu lá huixinín

lichuhuinamputún ątunuj tachuhuín xlacata nalilakachixcuhiy Dios, pus caj xmán chatiy o kalhatutu catachuhuínalh, pulh chatum acalistán chatum, y hasta ahuatá ąchatumlitum; pero xafuerza pi skalalh natayay huantí akataksa laquí namalacaputuncuhuiy huantú huaniputún amá tachuhuín. ²⁸ Pero para xlihuák huantí macxtum huilátit niți anán huantí akataksa laquí namalacaputuncuhuiy huantú huaniputún amá tachuhuín, huata mejor niți calichuhuínalh ątunuj tachuhuín antanícu tzamacán, huata caj sacstu catzeklitachuhuínalh Dios amá tunuj tachuhuín nac xchic.

²⁹ Nàchunalitum acxni huixinín tamacxtupi-yátit y tahuilánalh huanti talichuhuinamputún aktum talacapastacni huantú Dios camaxquinít, talacasquín pi caj xman chatiy o kalhatutu huantí natalichuhuinán y xamakapitzín caj cacs catakáxmatli para tancs huantú liakchuhuinamácalh xtalacapastacni Dios. ³⁰ Pero para Dios limala-cahuánilh o macatzínilh xtalacapastacni chatum cristiano huantí antá huí y kaxmatma huantú lichuhuinamácalh, entonces huantí akchuhuina-ma cacs caquíhua y camáxquílh talacasquín nachuhuinán amá chixcú huantí malacahuánilh Dios. ³¹ Y chuná chú acxtum nalamaxquiyátit talacasquín xlacata nalichuhuinanátit huantú Dios camacatzininitán, pero ni caj acuilhaj nachuhuinanátit sinoque chatum nachuhuinán, acxní aya chuhuinankolh chatum, laquí acxtum nalamaktayalipinátit y nalamáakpuhuantiyaniyátit. ³² Pero milicatzítcán pi xlihuák huantí talichuhuinán xtalacapastacni Dios ni cámiminíy xlacata

pulh nataakchuhuinamputún, huata mejor cacs catatáhui y catakálhílh hasta acxní nacalakchán laṭa natachuhuinán. ³³ Porque Dios tlən catziy y ni lakatiy para huantí talacscujnimánalh caj acuilhaj natalay, sinoque huantú tlən y akstítum catalakachixcúhuilh chuná cumu la talakachixcu-huiy xlihuak huantí talipahuán Dios.

³⁴ Pero huá xlacata lacchaján, ni camininiy natachuhuinán acxní lacchixcuhuín talakachixcuhi-mánalh Dios nac pusiculan, y acxní macxtum tahuilánalh huantí talakachixcuhiimánalh huata caj cacs cataquílhua, porque xlacán ni lay talacatzalay huantí camapeksiy chuná cumu la huan nac xlimapeksín Dios huantú makán timástalh. ³⁵ Y para túcu catziputún huantú ni lihuana aká-taksli huantú lichuhuinamácalh nac pusiculan, ni mininiy naquilhán xlacata nakalhasquininán, huata mejor nac xchic nakalhasquinachá xtakolú, porque ni lakchán nachuhuinan chatum puscat antanícu lakachixcuhiimácalh Dios.

³⁶ Ná luu milicatzítcán pi umá xtachuhuín Dios huantú māstay laktáxtut ni antá mactzucunit nac milakstipancán, ná nitú tipuhuanátit para caj luu mān huixinín mectstucán huantí camaxquín xli-mapeksín y mākantaxtipátit. ³⁷ Para tícu xlicana lihuana akataksa huantú Dios lacasquín natlahuayáhu nac quilatamatcán y kalhij y xtalacapastacni Espíritu Santo, pus nacatziy y nacanajlay pi umá huantú lanchú aquit ccatzoknimán xlicana huá xlimapeksín Quimpuchinacán. ³⁸ Pero para tícu ni canajlay pi umá huantú ccalima-kalhchuhuinimán huá xlimapeksín Dios, pus ná

nipara huá cacanajlanítit huántu calitákalhchu-huinanán.

³⁹ Natałán, canecxnicahuá calacputzátit lata tancs nalichuhuinanátit xtachuhuín Dios, pero nachuna litum ni calihuanítit huanti talilakachix-cuhuiy Dios ątunuj tachuhuín acxní takalhtahua-kaniy. ⁴⁰ Y para tícu la huixinín chuná tlahuayátit o chuhuinanátit acxní lakachixcuhuiyátit Dios, pus huántu tlán y akstítum catlahuátit y ni caj calaliactlajapítit.

15

Pablo maluloka pi Jesús lacastacuánalh nac calinín porque tasiyúnih

¹ Natałán, aquit ni clacasquín napatzankayátit amá xasasti xtamäcatzinín Cristo huántu mästay laktáxtut y huantu aquit ccaliakchuhuinaninitán, huixinín canajlátit y ctaluloka pi chunatiyá lipahuanátit. ² Porque xlicana pi huá umá tachuhuín huantu calakmäxtuninitán milistacnicán para xlicana aktum lipahuanátit. Pero para ni luu talulokátit o xalán para laclatayayátit xlicana pi niitu calimacuaniyán masqui makásá lata tzucútít lipahuanátit Jesús.

³ Aquit niitu ccämäktzekuilininitán huata tancs ccalimakalhchuhuininitán huántu na aquit qui-mäsiyunicanit, xlacata pi maktum quilhtamacú Cristo maknícalh nilh caj xpalacata quintalaka-lhincán chuná cumu la xamakán quilhtamacú tatzoktahuilanit xtachuhuín Dios nac likalhtahuaka, ⁴ y acxní nilh mäcnúcalh nac xtahuaxni, pero caj xliaktutu quilhtamacú xlá lacastacuánalh

nac calinín, ⁵ y ni limakas tasiyúnihl Pedro chu xamakapitzín apóstoles. ⁶ Acalistánlitum chú ná catasiyúnihl lhuhua cristianos máx cumu akquitizis ciento, másqui xlícaná pi makapitzín huantí tativakucxilhnit aya taninít, pero atzinú lhuhua huantí talamanalhcú. ⁷ Ni limakas litum tasiyunipá Santiago chu xlíhuak apóstoles.

⁸ Hasta luu acalistán chú quintasiyunipá aquit laquí ná naclítaxtuy xtascuá; acxní aquit quinta-sanícalh luu xtachuná clítáxtulh cumu la chatum skata huantí takalá lacáchilh. ⁹ Másqui xlícaná pi aquit nítúcu quinkásat hasta nípara tzinú quimininiy naquili mapacuhuicán apóstol porque xapulh aquit xaccaputzastalay huantí xtalipa-huán Quimpuchinacán Jesús. ¹⁰ Pero ná apóstol aquit porque huá Dios chuná lacasquinít y quila-kalhamanít, pero nítu caj clactlahuamínima xtala-kalhamanín porque aquit aya láná cscujnít nichuná cumu la xamakapitzín apóstoles; másqui xlícaná pi ni quecstu cscujnít sinoque huá Dios scujnít nac quilatámát. ¹¹ Pero aquit ni caj xmánuá clíchuhuinama para aquit tlak lhuhua huantú cliscujninita Dios o para huá xamakapitzín apóstoles, porque umá nítu limacuán para caj quecstucán clitalanquiyáhu quintascujutcán, huata huá luu límacuán amá xtachuhuín Dios huantú aquinín cliakchuhuinanáhu y huixinín lipáhuántit Quimpuchinacán Jesús.

Para Cristo ni lacastacuananít na nípara aquinín catilacastacuáhu

¹² Bueno, cumu umá tachuhuín huantú aquinín cliakchuhuinanáhu antá tancs cmálulokáhu pi

Cristo lacastacuánalh nac calinín, ¿túcu chinchú xpàlacata makapitzín huixinín huanátit pi nì xlicána talacastacuanán nin nac calinín? ¹³ Porque para xlicána pi nin nì talacastacuanán nac calinín, entonces ná nipara huá Cristo lacastacuananit. ¹⁴ Cumu para Cristo nì lacastacuananit, umá xta-chuhuín Dios huántu aquinín cliakchuhuinanáhu y antá cmałulokáhu pi Jesús lama xastacná nitu limacuán, y ná nitu limacuán masqui huixinín lipahuanátit y kalhiniyátit tacanájlat. ¹⁵ Y xlihuák aquinín apóstoles clitaxtuyáhu cumu lá aksani-nanín porque tancs cmałulokáhu pi Dios mala-castacuánlh Cristo nac calinín y cuanáhu pi lama xastacná. Cumu para nin nì talacastacuanán nac calinín cumu lá tahuán makapitzín, entonces Dios nitu malacastacuanima Cristo. ¹⁶ Lu lacatancs cacatzítit, para nin nì talacastacuanán nac calinín pus ná nipara huá Cristo lacastacuananit. ¹⁷ Para Cristo nì lacastacuananit nac calinín nitúcu limacuán mintacanajlatcán, y chunacú lilaktzankata-yapátit mintalákalhincán porque nitu camałzan-kenanipacántit. ¹⁸ Para Cristo nì lama xastacná xlihuák amákolh huánti aya taninit pero xtalipa-huán pi xlá nacalakmaxtuy ná talaktzankatayanít nac pupatín. ¹⁹ Para aquinín caj xm̄an huá canaj-layáhu pi Cristo tlān quincamaktayayán uú nac caquilhtamacú lihuán lamānáhu xastacná pero para niajlay naquincamaktayayán y naquincalak-maxtuyán nac calinín, y para chuná xquitáxtulh koxutacu tihuanáhu aquinín huánti lipahuanáhu.

²⁰ Pero huántu luu xtalulóktat es que xlicána pi Cristo lacastacuananit nac calinín y lama nahuán xastacná canecxnicaahuá quilhtamacú. Huá umá

Cristo luu pulh lacastacuánalh nac calinín laqüi lihuanaq nacanajlayáhu pi lakcháma quilhtamacú acxní Dios chuná nacamalacastacuaniy xlihuák huantí talipáhuán Jesús. ²¹ Cumu caj xpápacata chatum chixcú huantí mālacatzuquichá xlacata huak natalacnítamay cristianos, nachuná chú caj xpápacata chatum chixcú huantí lacastacuánalh nac calinín xlihuák cristianos natalacastacuanán. ²² Cumu la Adán tñilh, xlihuák cristianos na putum nataniy porque huá Adán xcāmalacatzuquinitanchá, pero xlihuák huantí tatapeksiniy Cristo nac xlatamatcán, na natalacastacuanán acxní nataniy chuná cumu la Jesúz lacastacuánalh acxní nilh. ²³ Putum huak ámaj kantaxtuy lata lácu Dios lachlcahuilinít nacamalacastacuaniy cristianos y chunatiyá kantaxtuma porque pulh huá lacastacuánalh Cristo y acxní chú namimparay xlimaktiy nac caquilhtamacú acxnicú natalacastacuanán huantí talipáhuán. ²⁴ Acxní namín Cristo xlimaktiy uú nac caquilhtamacú xlá natzucuy maapeksinán hasta caní nacamakatlajakoy xlihuák huantí tamapeksinán y tapuxcuhuilánalh uú nac xlícalanca caquilhtamacú chu nac akapún. Acxní chú aya cāmakatlajakonit nahuán entonces namacamaxquiy Quintlaticán Dios xlihuak huantú xlá maklhtinanit nahuán; acxní chuná namakantaxtikoy entonces na acxnitiyá nasputcán. ²⁵ Porque luu xlacasquinca pi Cristo namapeksinán cumu lá lanca puxcu hasta caní nacamakatlajakoy Dios xlihuák huantí ni taucxilhputún y tasitziniy laqüi na huak natalakachixcuhiyi. ²⁶ Y huá ahuatá ámaj

makatlajay xpuchiná linín huánti ankalhíná quincamalaktzanképutunán porque xlihuák aquinín niyáhu, y acxní chú aya namakatlajakoy, canécxnicahuá quilhtamacú niaj tì catínilh.

27 Pero huá lata huan nac likalhtahuaka pi Dios namaxquikoy littlihueke Jesús laqui caj xmánuá sacstu namapeksinán nac xlícalanca caquilhtamacú chu akapún, ni huamputún para Cristo na huá chú namapeksiy Quintlaticán Dios, porque huata huá Dios maxquinít littlihueke y limapeksín Cristo laqui namapeksinán. **28** Acxní chú huákatá huatiyá mapeksiy nahuán Cristo lata túcu anán, mismo Cristo chú mān natapeksiniy Quintlaticán Dios, porque huá maxquinít xlihuák xlímapeksín xáhuachí porque huá xtlat; y canécxnicahuá quilhtamacú nac akapún chu nac catiyatni namapeksinán Dios porque huá ankalhíná natayaniy.

29 Bueno, pero caquilahuaníhu, huixinín cristianos xalac Corinto huánti taakmunuyátit xlímakiy caj xpálaceatacán amakolh huánti aya taninit y ni xtataakmununít, ¿túcu chinchú calímacuaniyán cumu para ni canajlayátit pi nin talacastacuanán nac calinín? Cumu para cāna catziyátit pi necxnicú catitalacastacuánalh, ¿túcu chinchú xpálaceata calímkayaputunátit? **30** Cumu para xlícaná pi nin ni talacastacuanán nac calinín, ¿túcu chinchú xpálaceata lhuhua huántu clipatimánuáhu caj cumu huá cliakchuhuinanáhu xtachuhuín Jesús? **31** Porque xlícaná pi chalí chalí ni tzankay tí quincamaknijputunán caj xpálaceata cumu

clichuhuinanáhu xtachuhuín Jesús, umá huantu ccahuanimán huá xtalulóktat, na luu xlicana acxní cuan pi ccalipaxuhuayán lata lacu huixinín lipahuanátit Quimpuchinacán Jesucristo.

³² Para xlicana pi Jesús ni lacastacuananit nac calinín, ¿nitúcu cha quilimacuaniy masqui lan quintamapatiñilh caj cumu clipahuán Jesús amakolh cristianos huanti ni talipahuán Dios xalac Efeso huanti cumu la chichín talicatziy? Huata max tlak xatlán xquinquitaxtúnih nachuná xaclatámálh cumu la tahuán makapitzín huanti ni talipahuán Dios: “Lihuán tlan lamánahu capaxuhuáhu, lan cahuayáhu y cakachíhu porque ni catziyáhu para ni chalí o tuxama naniyáhu.”

³³ Pero aquit ccahuaniyán pi niaj cataakska-huítit porque cumu la huan tachuhuín: “Masqui ni lhuhua cristianos huanti lixcájnit talicatziy, pero tlan tamalaktzankey xlihuq huantu xtamalacatuquinít xtascujutcán huanti tlan xtapuhuancán cristianos.” ³⁴ Pero huata ccahuaniyán pi ni calaclatayátit akstitum calatapátit y niaj catlahuátit talakalhín. Huá chuná ccalihuaniyán laqui nalacamáxananátit, porque clacpuhuán pi lhuhua huixinín huanti nipara tzinú lakapasátit xtalacapastaci Dis lata lacu lacasquín nalatama-yáhu y lacu nalipahuanáhu.

Lácu naquitaxtuy acxní natalacastacuanán nin

³⁵ Xamaktum para huí ti lacpuhuán: “¿Lácu naquitaxtuy acxní natalacastacuanán nin? ¿O túcuya macni cahuá natakalhiy acalistán?” ³⁶ Xlicána pi luu mákat aktzankay huanti chuná lacpuhuán, porque chuná akspulay cumu la akspu-

lay aktum cuxi acxní chancán xafuerza nalac-mastacnuy nac tíyat laqüi napulha xaxáhuat y nalhuhuán xacuxi. ³⁷ Porque huantü chancán ni huá xaxáhuat sinoque huá xacuxi, o para laata túcuya lichánat huak xtalhtzi chancán. ³⁸ Y acalistán acxní napún Dios chuná catlahuaniy xakanín laata lácu xlá mas matlantiy natatasiyu, xahuachí laata pülatatunu tachanán tunuj túnu xapalhma xahua xakanín. ³⁹ Pus nachuná chú tunu xmacni tantum cahuayu, ná tunu xmacni squiti, ná tunujlitum xmacni spitu y aquinín ná tunu kalhiyáhu quimacnicán. ⁴⁰ Pus cumu la catzi-yáhu pi huantü uú anán tunuj tunu takalhiy xmacnicán, nachuná chú nac akapún ná tunu takalhiy xmacnicán nixachuná cumu la kalhiyáhu quimacnicán. Porque umá quimacnicán nilay tatalacastuca huantü xlacán xmacnicán, ná nipara huantü takalhiy xlacán xmacnicán nilay tatalacastuca quimacnicán. ⁴¹ Nachunalitum tlán natalacastucáhu cumu la kalhiy xtaxkáket chichiní atzinú luu tlán lacahuánan xtaxkáket nixachuná xtaxkáket papá, y nachuná stacu ná tunu takalhiy xtaxkaketcán makapitzín tlak marı tamacaxka-kenán y makapitzín nichuná.

⁴² Nachuná chú naquitaxtuy acxní nin natalacastacuanán nac calinín; umá quimacnicán huantü kalhiyáhu nac caquiltamacú acxní niyáhu y quincamacnukanán lacmastacnukoy, pero amá quimacnicán huantü nakalhiyáhu acxní nalacastacuananáhu nac calinín niaj necxnicú catilaktzánkalh. ⁴³ Umá quimacnicán huantü kalhiyáhu ni camama, xahuachí acxní

niyáhu maktum laclatamay, pero huantu
 na- lilacastacuananáhu snun lilakátit xahuachí
 tlihueke niaj catitaxlajuánlh.⁴⁴ Acxní niyáhu
 maçnucán quimacnicán huantu xmán antá
 uú caquiltamacú lilatamacán porque taniy,
 pero huantu lacastacuanán nac calinín huá
 quimacnicán huantu tlan lilatamacán nac akapún
 porque necxnicú catínjh. Cumu para Dios
 camaxquinít cristianos xmacnicán huantu xala
 uú caquiltamacú xla líhua chu xla lúcut, pus
 nachuná tlan nacamaxquiy xmacnicán huantu
 natalilatamayachá nac akapún.

⁴⁵ Nac likalhtahuaka chiné huan: “Amá Adán
 huanti xapulh chixcú, Dios máxquih xlistacin chu
 xmacni xala eé caquiltamacú huantu niy”; pero
 Cristo na milh litaxtuy cumu lá chatumlitum Adán
 porque xlá quincamaquiyán amá quilistacnicán
 huantu niaj necxni laksputa.⁴⁶ Pero Dios laca-
 squinit pi puh huá nakalhiyáhu amá quimac-
 nicán huantu xla líhua chu xla lúcut huantu lak-
 sputa acxní niyáhu, y acalistán nakalhiyáhu amá
 quimacnicán huantu niaj necxni catiláksputli.

⁴⁷ Amá Adán huanti xapulh chixcú huá xlimala-
 catzuquicanit lilhtámat y acxní nilh pihuá tíyat
 huampá xmacni; pero Cristo huanti ahuatá macá-
 milh Dios xlicana pi antá nac akapún xminitanchá
 y antá tapeksiy nac akapún.⁴⁸ Xlihuak huanti
 talacachinit nac caquiltamacú chuná takalhíy
 xmacnicán cumu la amá xapulh chixcú huanti
 xlitalhuacanit lilhtámat, pero xlihuak huanti tali-
 pahuán Jesús natakalhiy xmacnicán cumu la amá
 huantu xlá kalhiy porque Jesús antá xalac akapún.

⁴⁹ Cumu xtachuná kalhiyáhu quimacnicán

cumu lá xkalhiy xmacni Adán huánti xlítlahuacanít tíyat, pus ná xtachuná natasiuyáhu y nakalhiyáhu quimacnicán cumu lá kalhiy Cristo huánti xalac akapún.

50 Natalán, luu milicatzitcán pi xlíhuák quimacnicán huántu kalhiy líhua y lúcut nilay catalatámálh nac xpaxtún Dios, porque nítu limacuán nakalhiyáhu quimacnicán huántu ni makás quilhtamacú naniy antanícu lamácalh nahuán canecxnicahuá quilhtamacú. **51** Aquit camán cahuaniyán aktum tachuhuín huántu tzek xuí pero huá Dios quimacatzininit: Məsqui ni huák taninittá huánti aya talipahuanít nahuán Jesús, pero acxtum huák namaklhtinanahuá xasasti quimacnicán huántu naquincamaxquicanán. **52** Umá huántu ccahuaniyán nakantaxtuy acxni ahuatá nasanán trompeta, pero caj xalacapala huántu nilay xtachuná cumu lá a jmaktum chim catalakatzi y tuncán calacahuañampara! Acxni ahuatá nasanán trompeta xlíhuák nín natalacastacuanán nac calinín laqui niaj necxni catitánlh. Y xlíhuák aquinín huánti nia niyáhu nahuán namaklhtinanáhu tunu xasasti quimacnicán. **53** Porque umá quimacnicán huántu lanchú kalhiyáhu, kolún, niy y laksputa, talacasquín pi naquincamaxquicanán tunu xasasti quimacnicán huántu ni kolún ná nipara catiláksputli. **54** Acxní xlíhuák cristianos tamaklhtinanít nahuán amá xmacnicán huántu niaj kolún nipara niy, tancs kantaxtunít nahuán huántu tatzoktahuilanít xtachuhuín Dios nac likalhtahuaka antanícu chiné huan: “Amá

xpuchiná linín aya maklhticanit xlitlihueke laqui niaj t̄i namalaktzankey cristianos. ⁵⁵ ¿Nícu chú alh xlitlihueke xpuchiná linín? ¿Lácu pi niaj lay chú camałaktzankey cristianos?” ⁵⁶ Tamá xpuchiná linín tlán xquincamalaktzankeyán porque luu lhuhua lata xtlahuanitáhu talakalhín nac quilatamatcán, pero luu alisok quincamácatzinín xlimapeksín Moisés pi nítlán lata xlamanáhu. ⁵⁷ Pero capaxcatcatziníhu Dios pi maklhtinít xlitlihueke xpuchiná linín laqui niaj lay naquincamalaktzankeyán, porque huá quincamaxquinitán litlihueke Quimpuchinacán Jesucristo laqui namakatlajayáhu.

⁵⁸ Natalán, aquit luu snun ccapaxquiyán, huá xpalacata ccalihuaniyán pi tlihueklh cahuilítit mintacanajlatcán y ni cataxlajuanítit, huata ątzinú mas akstítum caliscújtit laqui nalipahuancán Jesús, porque huixinín stalanca catziyátit pi xlihuak huantü tlahuapátit ni caj chunatá ámaj laclatamay mintatlakuacán xlá catziy lácu nacamaškahuiyán.

16

Pablo lichuhuinán pi lakasiyu catamástokli xofrendajcán

¹ Nächunalítum ccamałacapastacninputunán xpalacata amá tumín huantu huixinín mastokpátit laqui nacalimaktayayátit amakolh cristianos xalac Jerusalén huantü na talipahuán Jesús. Aquit clacasquín pi chuná namastokátit cumu la ccáhuaniñ natatalahuay amakolh canajlanín xalac Galacia. ² Calakchánán pi tzimaj

tzimá domingo namaquitilhayátit acatzunín mintumincán huantú tlajanítatit nahuán xlihuák xamána laquí acxní aquit naccalakanachán ni acu akaxapaj nalayátit xlacata namastokputunátit tumín huantú naliimaktayananátit. ³ Huata acxní aquit nacchánachá cäta caj xman nalacsacxtuyátit makapitzín lacchixcuhuín huantí atzinú huixinín calipahuanátit laquí huá natalén mincartajcán chu tamá tumín huantú huixinín naliimaktayananátit. ⁴ Y para luu xlacasquinca nahuán pi aquit na nacán entonces aquit man naccataqanachá.

Pablo lichuhuinán pi naán calakapaxialhnán corintios

⁵ Clacpuhuán pi acxní naccalakanachán nac mincachiquincán Corinto pulh antá nactitaxtuy nac xapulataman Macedonia, hasta acalistán chú naccalakchanachán.

⁶ Xamaktum para juerza makas nactamakxteka nac mincachiquincán, pero clacpuhuán pi antá cuij nahuán hasta natitaxtukoy calonkni. Y para antá nactamakxteka pus acxní chú nactacaxparay xlacata nacán alacatunu cachiquín huixinín naquilamaktayayáhu y naquilamaxquiyáhu huantú aquit nacmaclacasquín nac tiji.

⁷ Aquit nitú ccatilakapaxialhnamán caj xataaclhcucutni huata clacpuhuán pi juerza makas naccatalatamayán, para Dios lacasquín.

⁸ Pero lanchú antacú uu nactamakxteka nac Efeso hasta natitaxtukoy xapaxcuaj pentecostés. ⁹ Porque luu clipaxuhuay lata ccalimakalhchuhuinij cristianos xtachuhuín

Dios y xlacán talipahuán, masqui ná lhuhua
talamánlh huánti ní tamatlantiy huántu aquit
clichuhuínama.

¹⁰ Nāchunalítum ccahuaniyán para xamaktum
nacalakchanachán Timoteo, camaktayátit y
capaxquítit, xáhuachí cuentaj catlahuátit huántu
nacalimákalhchuhuínayán porque xlá ná huá
liscujma xtachuhuín Quimpuchinacán Jesús
chuná cumu la aquit. ¹¹ Pus nipara chatum
tícu calakmákalh porque luu snún kahuasacú,
huata lipaxúhu camaktayátit y camaxquítit
huántu namaclacasquín nac tiji xlacata
naquilakmín porque aquit chu xamakapitzín
natalán ckalhimanáhu xlacata nimakas
naquincalakminán. ¹² Aquit cuánih quintalacán
Apolos xlacata pi lacxtum cacatanchá
makapitzín natalán laquí nacalakapaxialhnánán,
pero xlá quihuánih pi ninaj catianchá porque ní
limakuaniy, pero juerza nacalakanachán acxní
nalimakuaniy.

Pablo caxakatlilacán cristianos xalac Corinto

¹³ Ahuatá ccahuaniyán, skálalh calatapátit
xlacata niti nacaákskahuiyán xá hua chí akstítum
calilatapátit mintacanajlatcán, cakalhítit
licamama xlacata ní nataxlajuaniyátit. ¹⁴ Y
xlihuak huántu lactzú lactzú tlahuayátit luu
lipaxúhu catlahuátit laquí natasiyuy pi huixinín
xlicana kalhiyátit tapaxquit.

¹⁵ Natálán, huixinín max catziyátit pi antá nac
xapulataman Acaya huá Estéfanás chu xlitala-
kapasni huatunín luu pulh talipáhualh Quimpu-
chinacán Jesús, y hasta lata talipahuanit Jesús

xlacán lipaxúhu tamaktayay amakolh huantí ná talipahuán. ¹⁶ Huá chuná ccalimá lacapastacamán porque aquit clacasquín pi chuná ná namakta-yananátit y nacákalhakaxpatátit huantú xlacán tahuán xlihuák huanti takalhiy tlán talacapas-tacni cumu lá xlacán takalhiy.

¹⁷ Xlicana pi luu cpaxuhuay cumu támilh quin-talakapaxialhnán Estéfanas, Fortunato y Acaico, pus masqui xamakapitzín huixinín nilay tatátit cumu mákat. ¹⁸ Xlacán tamakapaxúhualh qui-nacú acxní xaclipuhuama, y aquit stalanca ccatziy pi náchuná tamakapaxuhuananít nac milaksti-pancán; pus umakolh cristianos camininiy pi hui-xinín nacapaxcatcätziniyátit caj xpálaceata huantú tatlahuay y láta tapaxquinán.

¹⁹ Xlihuák huantí talipahuán Jesús láta nac aka-tunu cachiquín uú lacatzú nac Asia luu lipaxúhu caxakatlilacamachán. Náchuná Aquila, Prisca y xlihuák huantí tatamacxtumiy nac xchic luu caña lipaxúhu caxakatlilacamachán. ²⁰ Náchuná cris-tianos huantí talipahuán Jesús uú nac Efeso huák lipaxúhu caxakatlilacamachán. Clacasquín pi huantu tlán calasnátit y calatzúctit xáhuachí caca-tzítit pi lámpara aquit ccaxakatlimán xachátem.

²¹ Y umá ahuata tachuhuín huantú camán cahuaniyán, xlicana pi mismo man cmacani-tzokma.

²² Para tícu ni lipahuán Quimpuchinacán Jesu-cristo y lakkamán, pus tancs cacátzilh pi sacstu laktzankatayama. ¡Quimpuchinacán mima!

²³ Aquit clacasquín pi Quimpuchinacán Jesu-cristo ankaliná cacalakalhamán y cacásiculanat-lahuán. ²⁴ Xlihuák huixinín aquit ccápaxquiyán

cumu lá linatalán porque xlíhuák aquinín cañaj-laniyáhu y lipahuanáhu Cristo Jesús.

**Xasasti talacaxlan
New Testament in Totonac, Coyutla (MX:toc:Totonac,
Coyutla)**

copyright © 2006 Wycliffe Bible Translators, Inc.

Language: Totonac, Coyutla

Translation by: Wycliffe Bible Translators, Inc.

Totonaco, Coyutla [toc], Mexico

Copyright Information

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Totonac, Coyutla

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

**PDF generated using Haiola and XeLaTeX on 11 Nov 2022 from source files
dated 29 Jan 2022**

88b96e23-f7a2-5cc8-864a-fdcd6f0686f4